

三國志辨誤

欽定四庫全書提要

三國志辨誤三卷不著撰人名氏亦莫詳時代蘇州府志載陳景雲字少章吳江縣學生長洲人少從何焯遊博通經史淹貫羣籍長於考訂凡譌謬處能剖析毫芒所著書凡九種其四爲三國志校誤似卽此書然考義門讀書記中有何焯所校三國志三卷其魏志楊阜傳阜嘗見明帝著帽披縹綾半衷袖一條稱衷袖古今字少章疑下一字衍檢宋書五行志果然云云此書不載此條則又似非景雲作疑不能明闕所不知可也三國志簡質有法古稱良史而牴牾亦所不免如孫權之攻合肥魏吳二志先後不同當時已爲孫盛所議明以來

南北監本傳寫刊刻脫誤尤多是書所辨陳書及裴注之誤凡魏志二十八條蜀志八條吳志二十一條其閒於字之譌異者如三少帝紀定陵侯繁繁當作毓少府褒褒當作褒之類於文之倒置者如正元二年八月戊辰不當在辛未後之類於正文與注淆亂者如王肅傳評末附劉實語本裴注所引之類於原本之闕佚者如徐詳不當附胡綜傳之類竝參校異同各有根據雖所辨僅數十條不能如何焯書校正之詳而不似焯之泛作史評又大抵以前後文互相考證參以後漢書晉書不能如杭世駿書徵據之博而亦不似世駿之蔓引雜說其抉摘精審之處要不減三劉之於西漢書吳續之

於五代史也

三國志辨誤卷上

四庫全書原本

宇山閣藏書 史部

失名

魏志

武帝紀

建安二十三年春正月漢太醫令吉本與少府耿紀司直韋

晃等反攻許

本後漢書作不

案後漢書耿秉傳作太醫令吉平唐章懷太子賢注云平或作平

而魏郎

中魚豢所著魏略

案隋書經籍志魚豢撰典略八十九卷

其記吉令事名已

從本殆魏臣自以避文帝諱改陳氏乃仍魏史之舊耳東

漢杜操字伯度及魏代避諱易爲杜度至晉人猶因之如衛

恒四體書序可證也本舉事之詳見下條裴氏引摯虞決錄注

中

案隋書經籍志三輔決錄七卷漢太僕趙岐撰摯虞注

其子邈穆之字亦具載焉

而獨逸本字殆亦以字易名如杜度之例故不可並書耶
摯注當沿魏代舊文猶四體書序也

明帝紀

太和元年冬十二月新城太守孟達反注文帝與孟達書保
官空虛初無資任

資當作質魏制凡鎮守部曲將及外州長吏並納質任有
家口應從坐者收繫保官時帝特欲撫慰初附故爲此華
言耳

景初二年春正月詔太尉司馬宣王

案司馬懿晉武帝奉始元年追尊宣皇帝先于

魏咸熙元年以子昭進爵晉王追封宣王帥衆討遼東注何曾表在險當難則權

足相濟隕缺不預則手足相代

手當從晉書何曾傳作才

三少帝紀

嘉平六年秋九月大將軍司馬景王

業司馬師晉武帝泰始元年追尊景皇帝先于

魏咸熙元年以弟昭進爵晉王追封景王

以聞皇太后告于宗廟遣芳歸藩於齊

注廷尉定陵侯臣繁少府臣褒

繁當作毓此鍾毓也本傳可考褒當作褒時鄭褒爲少府將作大匠渾之從子也其歷官詳見晉史

正元二年春正月乙丑鎮東將軍母邱儉揚州刺史文欽反戊戌大將軍司馬景王征之癸未車騎將軍郭淮薨

乙丑癸未之中不容有戊戌當是戊辰之誤如甘露二年

五月乙亥諸葛誕反越二日丁丑卽下詔親征是也

秋八月辛亥蜀大將軍姜維寇狄道雍州刺史王經與戰洮西經大敗還保狄道城辛未以長水校尉鄧艾行安西將軍與征西將軍陳泰併力拒維戊辰復遣太尉司馬孚爲後繼戊辰不當繫辛未後殆傳錄者倒其文耳

景元二年秋八月戊寅趙王幹薨甲寅復命大將軍進爵晉公

以戊寅推之是月不當復有甲寅兩寅字定有一誤

案晉書文

帝本紀致晉公茅土九錫資治通鑑復命司馬昭進爵位並繫甲寅則似誤在戊寅

咸熙元年春正月壬辰檻車徵鄧艾甲子行幸長安壬申遣使者以璧幣祀華山

以甲子壬申推之是月不當有壬辰當是壬戌之誤觀下文二月辛卯特赦諸在益土者庚申葬明元郭后二事則知辛卯是二月朔壬辰乃二月二日也

卞皇后傳

文帝欲追封太后父母因尙書陳羣之奏而止至太和四年春明帝乃追諡太后祖父廣曰開陽恭侯父遠曰敬侯祖母周封陽都君及恭侯夫人皆贈印綬

祖母之祖疑衍以疏封之次言之卞后母于文帝爲外祖母若祖母則爲外曾祖母明帝推恩理應先封太后母不當反舍太后母而獨封太后祖母也況下文有及恭侯夫人皆贈印綬語其文義尤明乎

董卓傳

初卓信任尙書周毖城門校尉伍瓊等用其所舉韓馥劉岱孔伷張資張邈等出宰州郡而馥等至官皆合兵將以討卓卓聞之以爲毖瓊等通情賣己皆斬之注謝承後漢書曰伍孚字德瑜董卓作亂孚因出刀刺之卓遂殺孚謝承記孚字及本郡則與瓊同而致死事乃與孚異也不知孚爲瓊之別名爲別有伍孚也蓋未詳之

城門校尉伍瓊被殺在關東義兵初起卓未西遷之前而荀攸傳載卓徙都後攸與越騎校尉伍瓊等同謀刺卓事垂就而覺則當時自有兩伍瓊謝承所記乃與荀攸同謀刺卓之人故稱孚官悉與志合則孚爲瓊之別名無疑也

至二人名字並同者是猶同時有二劉岱皆字公山也

張魯傳

祖陵造作道書以惑百姓從受道者出五斗米故世號米
賊子衡行其道衡死魯復行之雄據巴漢垂三十年注典略
曰和中東方有張角漢中有張修臣松之謂張修應是張
典略之失則傳寫之誤

事見魯傳裴氏蓋據本傳言之後漢書靈帝紀張角張
並以中平元年反章懷注修事引漢侍中劉艾紀

案隋書經

漢靈獻二帝紀三卷漢侍中劉芳撰據後漢書

與典

傳劉艾兩見初爲長史後爲侍中其作芳誤
之文合劉紀出典略之前不應有誤修衡二人雖同爲
五斗米道而衡匿跡深山無阻兵作亂事與反逆之妖賊

自迴異也

荀彧傳

諸所進達皆稱職唯嚴象爲揚州刺史爲涼州後敗亡注三

錄曰象字文則建安五年爲孫策廬江太守李術所殺

輔決錄下脫注字

案後漢書荀彧傳惟嚴象爲揚州刺史趙

錄序曰其人旣亡行乃可書嚴象敗沒在決錄成書

年康遇害敗卒已久尤不聞及也其爲擊實注無從

功封列侯注聞從孫惲字景文太子中庶子與

荀彧音律

惲當作煇音當作晉見晉書賈充傳

傳旣定新律加祿賞詔中有荀煇或

長子惲于煇爲大父行則煇命名自不應同也

邴原傳

大鴻臚鉅鹿張泰注邈字叔遼宦歷二官

案本注鉅鹿張邈祖父泰父邈蓋邈

爲泰之子

官當作宮歷二宮者謂以朝臣而更爲東宮官屬也語見

吳志薛綜傳注

案薛綜傳注引王隱晉書言綜之孫兼字令長歷位二宮丞相長史

華歆傳

歆封博平侯子表嗣咸熙中爲尙書注表字偉容年二十餘爲散騎侍郎事來有不便輒與尙書共論盡其意司空陳泰司徒李胤司隸王密等常稱之

華表以咸熙中爲尙書則其官散騎侍郎當在文明之世是時陳羣爲司空泰之父也羣以司空錄尙書事凡散騎

奏議無不綜典故悉表之爲人而稱之耳雖諸書亦有緣
泰之贈官而稱司空者然當表爲散騎時泰方名微位卑
朝士似不假其品藻爲重也泰當作羣案魏志陳羣傳文帝踐阼遷尙書僕
射徙尙書令明帝卽位爲司空仍錄尙書事又陳泰傳青
龍中除散騎侍郎正始中徙游擊將軍嘉平初爲雍州刺
史後徵爲尙書右僕射典選舉吳將孫峻出淮泗以泰爲
鎮東將軍峻退還轉左僕射景元初追贈司空裴松之注
引博物記曰太邱長陳寔寔子鴻臚紀紀子司空羣羣子
泰四世有名而其德漸漸小減是皆足爲泰當作羣之證

王密當從晉書表傳作王宏宏弼之兄也別見鍾會傳注

案晉書華表傳司徒李膺司隸王宏竝歎美表清澹退靜
以爲不可得貴賤而親疎魏志鍾會傳弱冠與山陽王弼
竝知名弼注易及老子年二十餘卒裴松之注云父美爲
尙書郎又引博物記曰業卽劉表外孫蔡邕有書近萬卷
末年載數車與美之族叔粲粲亡後相國掾魏諷謀反粲
子預焉旣被誅邕所與書悉入業業子宏字正宗司隸校
尉弼之兄也竝足證密當作宏

王朗子肅傳

評曰鍾繇開達理幹華歆清純德素王朗文博富瞻誠皆一時之俊偉也魏氏初祚肇登三司盛矣夫王肅亮直多聞能析薪哉劉實以爲肅方于事上而好下佞已此一反也性嗜榮貴而不求苟合此二反也吝惜財物而治身不穢此三反也

劉寔語當是裴注如譙周傳評後注引張璠以爲云云與此正同肅旣名臣又晉武外王父史臣於本傳略無貶辭豈應于評中反摭其短乎況陳評二句辭意已足其下不容更贅他語尤易了也

張旣傳

酒泉蘇衡反與羌豪鄰戴及丁令胡萬餘騎攻邊縣既與夏侯儒擊破之注儒初爲鄢陵侯彰驍騎司馬宣王爲征南將軍都督荊豫州正始二年朱然圍樊城儒進屯鄧塞以兵少不敢進召還爲太僕

驍騎司馬句絕鄢陵北征以北中郎將行驍騎將軍

案原本北

中郎下脫將字今據本傳增

時儒從兄尙爲長史

案魏志夏侯傳北郡胡叛遣鄢陵侯彰

討之以尙參彰軍事

儒則爲司馬從征也宣王二字有誤爲征南上

兼有脫文宣王嘗以驃騎將軍都督荊豫不在四征之列

蓋爲征南都督荊豫者卽儒也以下文樊城受圍儒坐遲

救召還事觀之義自明矣

案魏志任城威王彰傳建安二十一年封鄢陵侯二十三年代

郡烏桓反以彰爲北中郎將行驍騎將軍明帝紀太和元年新城太守孟達反詔驃騎將軍司馬宣王討之三少帝

紀正始二年吳將朱然等圍襄陽之樊城太傅司馬宣王率衆拒之退云云竝足證是注所引魏略之有訛脫

杜畿傳

或謂畿曰宜須大兵

或當作或畿自西平移守河東雖由荀彧之薦而是時畿在陝津或留許下不得參預軍謀殆因前有荀彧字而致誤

許褚傳

從征張繡先登斬首萬計遷校尉

萬疑當作百褚雖驍勇安能手斬萬級恐因百字相近致誤耳

褚兄定亦以軍功封爲振威將軍

將軍乃官號非國邑不當言封而上文進牟鄉侯當作進封蓋功下衍字正前所脫也

陳思王植傳

子志嗣徙封濟北王累增邑并前九百九十戶

魏室諸王至正元景元間普增封邑其戶皆累千卽如平

陽成武二公亦皆踰千戶矣

案平陽公名琮見鄧哀王沖傳成武公名範見鄒戴公子

整傳思王初封於陳已有邑三千五百戶至子志嗣爵又累

增邑乃并前計之止有九百九十戶必傳寫脫誤也評後

注魚豢語通鑑亦引之至于植者下通鑑有豈能興難一

句

案魏志以陳思王植與任城威王彰同傳傳後總評其不能克讓遠防終致攜隙裴氏引魚豢所論注之有彰

之挾恨尙無所至至于植者乃令楊脩以倚注遇害云云通鑑載是論于黃初元年二月貶植安鄉侯條下以

文義求之此語斷不可刪通鑑所記漢末三國事間有採
陳志所遺者自范史袁紀晉書外皆不出裴氏所引諸書
別無異事足知魚豢王沈諸史案晉司空王沈撰魏書四十八卷見隋書經籍志
當纂長編時已多不存故惟以志注爲據也然則此注所
少四字必非裴氏所芟乃後來刊本脫落耳

和洽傳

子禽嗣禽弟適注晉諸公贊曰和嶠字長輿適之子也

適當作適三少帝紀甘露二年帝臨辟雍賦詩侍中和適
等作詩稽留卽其人也又晉書和嶠傳亦可考

韓暨傳

進封南鄉亭侯

此與滿寵王凌由亭侯進封南鄉侯同

案暨先封宜城亭侯滿寵先封安昌

亭侯王凌亦先封宜城亭侯各見本傳

亭字衍

田豫傳

公孫瓚使豫守東州令

東疑當作泉泉州縣名屬漁陽郡

案後漢書郡國志泉州有鐵魏書地形志併泉

州入雍奴卽今武清縣

牽招傳

招賜爵關內侯子嘉嗣注嘉子秀文辭尤厲

尤當作亢見晉書牽秀傳

案傳云文辭亢厲以譏訾外戚盛名美譽由是而損

郭淮傳

涼州休屠胡梁元碧等率種落二千餘家附雍州淮奏請使

安定之高平爲民保障其後因置西川都尉

西川之川當作州晉泰始中中丞傅休奕上疏措置秦隴事請更置一郡於高平因安定西州都尉徙民充之以通北道是其證也

胡質傳

將軍張遼與其護軍武周有隙感言復與周平注周字伯南沛國竹邑人子韶歷二官吏部郎

二官當作二宮此與前張邈宦歷二官之誤同據晉史韶歷吏部郎太子右衛率故云爾

杜夔傳

文帝嘗令夔與左願等于賓客之中吹笙鼓琴夔有難色由

三國志辨誤卷一
是帝意不悅

左願當作左驥見繁欽與魏文帝牋文選李善呂向注引
夔傳並與牋合善又云驥與顛同音由善注觀之夔傳此
字本作驥當是後來傳錄者易爲顛而作願者又顛之轉
訛也

三國志辨誤卷上終

三國志辨誤卷中

蜀志

劉焉傳

董扶求爲蜀郡西部屬國都尉及太倉令會巴西趙韙俱隨焉

會字疑衍太倉令屬大司農趙韙蓋棄此官而與扶皆隨焉入蜀也上云侍中廣漢董扶繼云太倉令巴西趙韙正並舉二人之爵里也

法正傳

諸葛亮與正雖好尙不同以公義相取歎曰法孝直若在則能制主上令不東行

評後注先主與曹公爭一條

案注先主大怒不肯退無敢諫者矢下如雨正乃往當先

主前云云當是建安二十四年曹操至陽平時事

當在正傳後裴氏以葛相有孝

直若之歎故引此事爲證見正智術有餘能迴主上之意耳今誤移評後并脫所引書名皆傳錄之失也

費詩傳

往年南征歲未及還

未及當作未乃據後主傳亮以建興三年二月南征十二月還成都故曰歲末乃還也

譙周傳

周子熙賢同少子同頗好周業亦以忠篤質素爲行舉孝廉除錫令東宮洗馬召不就周長子熙熙子秀字元彥

傳文當以召不就句止下乃裴氏注

案晉書隱逸傳譙秀卒于永和升平間年

九十餘當元康七年陳壽卒時秀已及壯何焯謂元彥之去承祚遠者亦未詳考耳惟傳文既有周三子熙賢同云云不當復贅周長子熙句則其爲注文無疑

馬忠傳

進封彭鄉亭侯

忠由亭侯進封鄉侯彭鄉下行一亭字

案本傳先封博陽亭侯則進封不當

仍是亭侯與魏志韓暨傳進封南鄉侯之衍亭字同

竇璋傳

封成鄉侯注譏其不意

譏當作攬與魏延傳攬儀未發之攬同

楊戲傳

贊吳子遠注徙亭侯進封高陽鄉侯

此與後贊輔元弼注徙鎮南爲右將軍同兩徙字並當作從

贊馬承伯注承伯名齊爲太守張飛功曹貢之先王建興中從事丞相掾遷廣漢太守復爲飛參軍

飛參軍之飛字衍張飛卒於建興前時承伯蓋自郡守以參丞相軍事耳曰復爲者蒙上從事丞相掾言之

三國志辨誤卷中終

三國志辨誤卷下

吳志

孫權傳

赤烏二年春三月遣使者羊衞鄭胄將軍孫怡之遼東注胄父札權爲驃騎將軍以札爲從事中郎四年夏四月車騎將軍朱然圍樊注零陵太守殷札

三札字並當作礼張昭傳注作鄭禮顧邵張溫趙達傳作

殷礼此字有古今之異耳

案張昭傳注曰昭與孫紹滕屑鄭禮等採周漢撰定朝儀顧邵

傳曰雲陽殷禮起平微賤又曰禮零陵太守注云禮字德嗣張溫傳曰殷禮者本占候召趙達傳曰闕澤殷禮皆名
得善士諸禮字今刊本均不作札并不作礼則作札者之
因古文禮爲礼而訛無疑其張昭傳注之孫紹與孫權傳
之丞相孫邵似非兩人
紹邵異文亦必有一誤
此正如宏玄本一字權傳注中謝

宏屢見而陸遜潘濬傳皆作謝玄是也

案謝宏分見孫權傳嘉禾二年未赤

烏九年未注中謝玄陳便宜見陸遜傳黃門侍郎謝玄見潘濬傳玄與宏固古今之異然據漢書王莽傳曰德元玄注云玄園也又云玄古肱字則音義與宏難合爲一

孫亮傳

太元元年冬權寢疾徵諸葛恪爲太子太傅明年四月權薨太子卽尊號大赦改元是歲于魏嘉平四年也閏月以恪爲帝太傅

亮之改元旣不遵踰年之制則本傳於其踐阼後當卽繫新君所改之號而下文之二年方可蒙上言之耳如蜀志後主傳章武三年夏五月後主襲位于成都大赦改元下卽書建興元年夏是也閏月上疑脫建興元年四字

二年冬十一月有大鳥五見于春申明年改元

亮之改元若果以明年不必先記於是歲當作改明年元如孫權黃龍三年會稽言嘉禾生改明年元又孫皓建衡三年西苑言鳳凰集改明年元是也

孫休傳

年十三從中書郎射慈郎中盛冲受學

射慈疑謝慈之誤謝慈見孫奮傳觀裴氏注知慈爲時碩儒故休從受學也慈事注奮傳而前無注者是猶留贊先見孫亮傳而贊之事跡皆注在孫峻傳中也射氏系出北地當孫吳之世不聞有并涼舊姓仕於江東者

張昭傳

昭弟子奮領兵爲將軍至平州都督

吳無平州當是半州之誤吳主子建昌侯慮嘗鎮半州又

大將甘寧潘璋亦嘗屯此乃中流重地故特置都督如西

陵濡須之比也

案半州見潘璋傳及甘寧傳注所引韋昭

名晉書作半州見庾悅褚裒二傳唐李吉甫元和郡縣志

有晉太康十年分豫章鄱陽廬江等郡之地置江州惠帝

分廬江之潯陽武昌之柴桑置潯陽郡自東晉元帝至蕭

齊或理半州隋改潯陽爲潯城縣武德五年復改爲潯陽

縣半州故城在縣西九十里吳孫慮出鎮于此築城云云

據吉甫所志合之褚裒除江州刺史鎮半州卽吳志之半

州無疑猶潯陽爲漢縣梁沈約宋書

步騭傳

魏徵隋書竝沿舊文後乃改書潯

太子登與騭書騭條諸葛瑾陸遜朱然程普潘濬裴元夏侯

承衛旌李肅周條石幹十一人甄別行狀因上疏獎勸

騰所條上諸臣皆當時有聲績于荊州者程普之卒在吳主稱尊號前不應亦列其中恐傳錄誤也時呂岱在荊州其名跡亦葛陸之亞騰獨遺之爲不可曉或程普乃呂岱之謫如魏志夏侯惇傳中以雲長爲呂布也

案魏志武帝紀建安三年

殺呂布而夏侯惇傳擊破呂布軍于摩陂乃在建安二十四年作傳者不應舛訛若此殆是後人因太祖旣擊破云云書法未愜人意故爲更易然亦率爾太甚

陳武子表傳

徙太子中庶子拜翼正都尉

徙當作從中庶子乃表初除之官非遷改也此與張休從中庶子轉右弼都尉同

嘉禾三年以表領新安都尉

安當作都是時新都猶未改新安又諸葛瑾傳註引吳書

亦云新都都尉陳表尤明證也

案孫權立新都郡晉太康初改曰新安韋昭在孫皓

未失國之前撰吳書陳壽作志于晉源吳之後因避晉諱且改韋昭之名爲曜則郡名從晉自當時史例非誤也若晉書乃唐貞觀時所撰其地理志旣云晉平吳改新都爲新安而追述吳主之初置郡五注以新安則自相牴牾矣

凌統傳

從往合肥爲右部督

往當作征

事畢當出會病卒年四十九

統父操以漢建安八年從征黃祖戰沒統時年十五及十一年卽預討麻屯之捷後至四十九而卒則吳之赤烏中也統自攝領父兵屢立戰功爲時名將若赤烏中尙在則

從征合肥還二十年間統之宣力戎行多矣何更無功可錄乎據賂統傳凌統死復領其兵在隨陸遜破蜀軍之前然則統之年當在三十左右本傳所云乃傳錄之誤

丁奉傳

爲冠軍將軍封都亭侯遷滅寇將軍進封都亭侯

進封都亭侯之亭當作鄉奉己封亭侯更封鄉侯斯爲進爵耳如陳武是儀進封都鄉侯是也

建衡元年奉攻晉穀陽無所獲皓怒斬奉導軍三年奉貴而有功漸以驕矜或有毀之者

三年下脫一卒字奉卒于建衡三年別見孫皓傳

朱然傳

三
魏將蒲忠吳質各將數千人注魏志及江表傳

志當作書此謂王沈等所撰之魏書也

諸葛瑾子融步騭子協雖各襲任權特復使然總爲大督又
陸遜亦本功臣名將存者惟然莫與比隆

亦本當作亦卒句絕曰亦卒者蒙上瑾騭二人言之據孫
權傳遜先然五年卒

虞翻傳

太末徐陵注陵子平兩婦歸宗敬情過平厚

兩婦當作兩姊旣曰歸宗又曰敬必女兄也

歸葬舊墓注桓文遺之尺牘之書比竟三高

文當作王謂長沙桓王也

又注處士鄧廬敘

鄧當作鄧否或鄧字之譌朱育舉上虞陳業以下十餘人
應郡守之問其人皆不出本郡鄧乃汝南屬縣與會稽無
預

駱統傳

封新陽亭侯黃武七年卒

凡列侯之歿其有子嗣爵與否史必詳書之而統與是儀
傳獨闕疑有脫文統子名秀爲時顯士見陸遜傳注又孫
休傳中有司鹽校尉駱秀卽其人也則統非無後者

鍾離牧傳

子偉嗣代領兵注次子盛以施績留建平智略名將屢經于

彼

留下衍建字此因上有建平字而複出也留平見孫休傳
平以永安六年以平西將軍率衆圍巴東數月乃還則平
之經信陵者屢矣

陸凱弟胤傳

轉左虎林

左當作在如王昶從兗州轉在徐州張飛從宜都轉在南
郡是也

胡綜傳

徐詳者字子明吳郡烏程人也先綜死

志中凡不立傳而附見他傳者雖有事跡可稱評中皆不

及之綜傳次是儀傳詳事又附綜傳後而陳氏評詳乃與是儀胡綜同目爲孫權時幹興事業者而尤稱詳之數通使命無傳有評疑乖史例且詳通使曹公惟一見孫權傳中如陳氏之評則詳固屢嘗奉使稱旨矣前旣不著其事而後忽出此評更所未喻也觀評中先詳後綜則非附見綜傳者甚明意詳當自有傳在綜傳之前而偶逸之今綜傳後數語則出自後人附益也據江表傳詳嘗以侍中偏將軍爲節度官掌典軍糧亦可略見其幹略餘則無從考證矣

宋季三朝政要

欽定四庫全書提要

宋季三朝政要六卷不著撰人名氏卷首題詞稱理宗國史爲元載入北都無復可考故纂集理度二朝及幼主本末附以廣益二王事其體亦編年之流蓋宋之遺老所爲也然理宗以後國史修宋史者實見之故本紀所載反詳於是書又是書得於傳聞不無舛誤其最甚者謂寶慶元年趙葵趙范全子才建守河據關之議遣楊誼張迪據洛陽與北軍戰潰歸案寶慶元年葵范名位猶微其後五年范始爲安撫副使葵始爲淮東提刑討李全子才乃爲參議官至端平元年滅金子才乃爲關陝制置使知河南府西京留守有洛陽潰敗之事上

距寶慶元年九年矣所紀非實也其餘敘次亦乏體要然宋末軼事頗詳多有史所不載者存之亦可備參考也其以理宗度宗瀛國公稱爲三朝而廣益二王則從附錄體例頗公卷末論宋之亡謂君無失德歸咎權相持論亦頗正而忽推演命數兼陳因果轉置人事爲固然殊乖勸戒之旨殆欲附徐鉉作李煜墓誌之義而失之者歟

宋季三朝政要目錄

理宗國史載入北都

○各本並作載之
二字依元刻本改

過此無復可攷

故今將理度兩朝聖政及幼主本末纂集成書以備他

日史官之採擇云

○自識語張刻本在卷目
後今依閣本及別本

卷之一

理宗

寶慶元年

寶慶二年

寶慶三年

紹定元年

紹定二年

紹定三年

紹定四年

紹定五年

紹定六年

端平元年

端平二年

端平三年

嘉熙元年

嘉熙二年

卷之二

理宗

嘉熙三年

嘉熙四年

淳祐元年

淳祐二年

淳祐三年

淳祐四年

淳祐五年

淳祐六年

淳祐七年

淳祐八年

淳祐九年

淳祐十年

淳祐十年

淳祐十年

寶祐元年

寶祐二年

寶祐三年

寶祐四年

寶祐五年

寶祐六年

卷之三

理宗

開慶元年

景定元年

景定二年

景定三年

景定四年

景定五年

卷之四

度宗

咸淳元年

咸淳二年

咸淳三年

咸淳四年

咸淳五年

咸淳六年

咸淳七年

咸淳八年

咸淳九年

咸淳十年

卷之五

少帝

德祐元年

德祐二年

卷之六

廣王

景炎本末

益王

祥興本末

宋季三朝政要目錄

宋季三朝政要卷一

守山閣叢書 史部

失名

金山錢熙祚錫之校

理宗

乙酉寶慶元年春正月壬戌朔詔舉賢良 上初卽位與楊

太后垂簾同聽政 上曰傅伯成皆先朝耆舊朕所簡記可

召赴行在尋除寶學

別本作學士

奉朝請

潘王潘丙謀立濟王

遺書李全約以二月望日舉事爲邏卒得其人并書以白彌

遠彌遠改作三月且許行人以美官重賞令其以書達全至

二月潘王潘丙率太湖亡命數十人各以紅半袖爲號乘夜

踰城而入至邸索王言推戴意王聞變易敝衣匿水竇中久

而得王擁至州治以黃袍加身王號泣不從

別本作受

不獲已

與之約曰汝能勿傷太后官家否衆許諾遂發軍資庫金帛
楮券犒軍命守臣謝周卿率見任寄居官入賀而揭李全榜
于州門言史彌遠廢立等罪且稱見率精兵二十萬水陸並
進人皆聳動以爲山東狡謀比曉王視其士卒則太湖漁人
巡尉司弓卒而已王知其謀不成乃與郡將州兵戰之其數
元不滿百也王元春以輕舟告變于朝史彌遠急召殿司將
彭任赴之兵至而事已平矣乃班師時全守淮安知所約失
時遂叛歸北彌遠謀害濟王遣其客秦天錫來且頒宣醫視
疾之命時王本無疾天錫諭上意逼王就死遂縊于州治尋
下詔貶王爲巴陵郡公其後魏了翁真德秀洪咨夔潘枋相
繼上疏咸言其冤大理評事胡夢昱應詔上書言濟王不當

廢引用晉太子申生漢戾太子及秦王廷美之事凡百餘言
訐直無忌彌遠怒竄夢昱于象州紹定壬辰沛恩宥過夢昱
已死贈朝奉郎謚剛簡仍官其子 詔取士先器識 夏真

德秀上殿奏事勸上容受直言祈天永命用賢臣結人心爲

自立根本又言三綱五常者扶持宇宙之棟榦奠安生民之

柱石

○別本奠安
上有而字

人而無此冠裳而禽犢矣國而無此中夏

而裔夷矣晉廢三綱而劉石之變興唐廢三綱而羯胡之難

作我朝立國根本仁義先正名臣或以爲家法最善或以爲

大綱甚正陛下初膺大寶不幸處人倫之變有所未盡流聞

四方所損非淺雪川之變非濟邸本志前有避匿之迹後聞

捕討之謀情狀灼然本未可攷願詔有司討論雍熙追封秦

邱舍罪恤孤故事斟酌而行之雖濟王未有子息興滅繼絕
在陛下爾上曰朝廷待濟王可謂至矣德秀又奏陛下友愛
之心可謂無所不至但謂此事處置盡善臣未敢仰承聖訓
觀舜所以處象則陛下不及舜明甚大底人主當以二帝三
王爲師秦漢而下人君舉動不皆合理難以爲法上曰亦是
一時倉猝德秀又奏此已往之咎

○別本
往作過

臣所以奏者欲陛

下益進德修學以掩前失

○別本失
上有之字

二乞收人心略曰太平

興國中秦邸事作太子太師王溥等議於朝堂

○別本作議
於朝廷者

七十有四人然後有詔裁決以大事不可輕也康定慶歷間
求西帥必取當世第一流宰相呂夷簡至忘讐薦進以重任
不可輕也往者嘗川之獄未聞有參聽于槐棘之下者又如

淮蜀二閩之除皆出僉論所期之外天下之事非一家之私
何惜不與衆共此收人心之一事也賞罰適平則人莫得而
議今有功罪同而賞罰異者朝廷之於天下當如天地之於
萬物栽培傾覆付之無心可使一毫私意於其間哉此收人
心之二事也當乾淳間有位于朝以饋遺及門爲恥受任于
外以苞苴入都爲羞今薰染成風恬不之怪果欲息天下之
謗莫若反其物罪其人則心迹暴白此收人心之三事也治
世氣象欲其寬裕不欲其迫蹙曩者以訛言之籍籍有譏呵
之令焉譏呵則已過矣甚至於流竄焉殺戮焉都城之民搖
手相戒○別本相戒
上有兩字宜解密網達下情此收人心之四事也
三言朝廷之上敏銳之士多於老成政事之才富於經術雖

嘗以耆艾褒傅伯成楊簡以儒學褒柴中行以恬退用趙蕃
劉宰然前之三臣止加異數未聞聘召至於亮直敢言如陳
宓徐僑皆未蒙記錄願處伯成簡於內詞置中行於經幄擢
宓僑於言地德秀又奏別本作言華髮舊德之臣不獨人主賴
其益朝列新進之士亦有所矜式伯成簡皆年踰八十縱使
召之不至必能因囊封以進忠言又奏長人之官拊字不聞
叨憤日甚上曰如何無一廉者又問何以革之德秀奏此在
朝廷用舍黜陟之間示人以意上又問卿曾見有何廉吏德
秀以袁守趙鉞夫對御筆擢鉞夫直祕閣與監司差遣德秀
手劄謝上因言崔與之帥蜀楊長孺帥閩皆有廉聲臣一時
不能悉數以對乞廣加咨訪始德秀在道猶未聞濟邸之訃

以書是時相謂必有寡聞淺見之人托納忠除患之說以誤

朝廷者不可不致察時相既惡聞其語至范村使左史楊邁

來見

別本問近

所欲言又遣所親諭以勿及甲申之事德秀

但唯唯泊入國門都人聚觀皆以手加額益見忌矣辭內制

者四從之

寧考小祥詔羣臣服純吉真德秀言自漢文短

喪至我阜陵獨出宸斷衰服三年阜陵上賓羅點建議乞令

羣臣易日之後朝會權用公服黑帶朔望奉慰皆衰服行事

大祥始除光宗之喪復以小祥從吉後易以升祔紹興易以

小祥甲寅易以大祥二百餘年之間其制四變皆由近而之

遠非自遠而之近也侂冑變甲寅之制是自遠而之近

別本是

皆作自厚而之薄可乎哉上卽詔行在職事官侯大祥從吉諸

路飯已降行 五月趙范趙葵金子才用降人谷用安之言

欲乘時撫定中原建守河據關之議以聞于朝乃命趙范開

闔於光黃之間 杜杲力陳出師之害大略曰權衡於和戰

之間無已則及守之一策蓋明深溝高壘之謂守非清野閉

門謂之守也又策自治有備無患俟時而動之謂守也

本侯

待選擇將材簡練軍實積蓄糧食廣備舟車修全器械愛養

民力懷來北人示以恩信顧吾之力已全吾之氣已盛以之

而戰長驅萬里兵不留行以之而和行李一通請盟不暇臣

備員邊臣切見汭淮旱蝗連歲薄收加以調遣無度輦運不

時

○本

生聚蕭條難任征役中原板蕩多正不耕無糧可

因千里餽運師不宿飽若虛內以事外移所以實北腹心之

地豈不可慮時在外諫北伐者惟公一人及師劔洛陽退師
保境兵鬻遂開始服公先見 六月全子才合淮西兵萬餘

人赴汴以十二日離合肥七月二日抵東京距城二十里駐

兵五日

○別本作翌日

整兵入城行省李伯淵先期以書來降願與

谷用安范用吉等結約乃殺所立崔立

○別本所主作所

率父老來

降先是黃河南舊有寸金淀乃爲金人所決河水淫溢自壽

至汴水深並腰行役良苦子才駐汴以俟糧嵩之不肯運糧

卒致誤事

南滁州路鈴樊辛路分王以偏師下鄭州己卯

趙葵以淮西兵五萬取泗州由泗至汴與子才軍會因謂子

才曰我輩始謀據關守河今已抵汴半月不急攻洛陽潼關

更何待耶

○原脫更字依別本補

子才以糧餉未集對趙葵益督趣之

遂檄范用吉樊辛李先胡顯等提軍一萬三千人命淮西帥

機

別本
作統

徐敏子爲監軍先令西上且命楊誼以廬州強勇

軍一萬五千繼之各給五日糧諸軍以糧少爲辭庚辰敏子
啓行乙酉遣和州寧淮軍正將張迪以二百人據洛陽至夜
踰城而入城中寂然無應者蓋北軍戍洛陽者皆空其城而
誘我矣及晚有民庶三百餘家登城投降迪等遂入洛陽次
日軍食已竭乃采蒿和麵作餅而食之楊義至洛東三十里
方散坐蓐食忽數百步外有立紅黃涼繖者衆方駭異而伏
兵突起深蒿中義倉猝無備大潰擁入洛水者甚衆義僅以
身免是晚有潰軍奔迸而至云楊義一軍已爲金人大陣衝
散今北兵已據北岸矣於是在洛之師聞而奪氣八月一日

北軍已有近城下寨者敏子與戰勝負半之士卒乏糧遂殺馬而食望糧不至遂班師 改湖州爲安吉州

丙戌寶慶二年春詔長吏勸農桑 親饗給犒軍士 詔增

價招糴 詔州縣舉遺逸之士補陳均陳文蔚官 戒州縣

毋得苛取於民 賊吏經赦不許改正 戒飭省闡精考擇

上試進士賜王會龍等及第出身有差 詔作新士風

梁成大劾真德秀降三官初史彌遠欲去魏了翁真德秀喻

意有人敢言真德秀者卽除察院無人忍言之

別本忍作敢

適梁

成大參部聞之日坐茶肆中毀真公不直一錢或以告彌遠

彌遠喜遂擢用之自小邑令除察院首劾真德秀尋以成大

守建寧毀其所建宏詞坊可以捃摭者無所不至遂獵取禁

從爲彌遠鷹犬嘗貽書所親曰真德秀乃真小人魏了翁乃
僞君子此舉大快公論中外籍籍目之爲梁成犬識者非之
魏了翁貶靖州六年閉戶讀書自如也

丁亥寶慶三年春正月詔州縣勸農桑 朱熹贈太師追封

信國公 雪寒上命出米以濟饑民 賑濟畿甸水災 洪

咨夔召爲禮部郎官尋除監察御史升殿中侍御史彈監察

御史王定定左遷夔已出臺改中書舍人王定者附史彌遠

爲右司郎官嘗忤胡夢昱

別本嘗作署

爲怪敢死者在臺與公異

論公惡其姦邪故彈去之朝野驚歎咨夔除端明學士薨于

位 救荒宜令有司申明遏米之禁 明堂詔省郊祀費

韃靼兵破關外四川制置鄭捐棄三關不守

戊子紹定元年春正月詔諸州貢舉以得士爲先 太白經

天 雨雹 知潭州曾從龍置惠民倉 嚴飭和糴官吏

上命儒臣日侍經筵講經 湖南江西福建盜起 申嚴舉

主舉人才慎舉法 韃靼國兵長驅而南金自宣宗時凡大

河以北東至于山東西至于關陝不一二年陷沒殆盡金人

併力守黃河保潼關自黃河洛陽孟門析津東至邳州之源

雀鎮東西長二千餘里差四行院分地界守禦精兵不下二

十萬民兵不在其數如是者十有五年金人不勝其擾朝廷

議諸帥謹邊備上然之

己丑紹定二年春以程瑛等知貢舉 上親試舉人賜黃朴

以下及第出身有差 申嚴斛面之禁 台州水 給諸軍

薪炭錢 申明太學舍法 度正奏節儉事 贓論人經郊

方許到部參注 禁苞苴干請 詔民間二稅依時過割稅

賦不許抑令折納 汀郡寇發陳韡平之晏頭陀名夢彪嘯

聚汀郡境上別本汀郡殘破寧化清流將樂諸邑別本作縣迫南

劍帥府請于朝謂非陳韡莫破此賊時韡丁父憂詔起復知

南劍州韡至州籍峽常民兵申乞調淮西精兵五千人救援

淮西制置曾式中遣將陳萬以三千五百人來朝廷遂除韡

提刑招捕使擊破潭飛礮諭降蓮城七十二寨賊潰夢彪降

誅之 諭鄭損防遏海道 桂如琥奏屯田

庚寅紹定三年春正月詔勸農桑 令有司興水利 三月

丁酉雨土 行在會子庫置監官 覈實二廣丁錢 四川

旱命州縣賑恤 減圍田稅 招瀕海漁業人充水軍慈明

殿出緡錢犒諸軍 邵武寇犯建寧府劉純擊敗之 蠲被

盜州縣租稅一半 江西瑞州禾稼秀而不實民間乏食

九月信國公朱熹改封徽國公 明堂 上飲宴過度史彌

遠卧病故時人譏之曰○原本故作中依別本改陰陽眠燮理天地醉經

綸

辛卯紹定四年春二月詔錄學術深邃之士○閣本別本遂並作遠惟元刻

本與此同不誤原本李全平先是京東忠義軍都統制季

士作賢依別本改先者亦歸朝人爲樞密都統制史彌遠以事誅之李全懼有

異志使其弟李平潛爲謀於都堂朝議以文臣不知兵選武

臣制之乃以許國換授太府卿揚州制置使移司楚州旣至

全入謁因與客杜耒議延見之禮耒曰彼狼子野心宜責其
橫挺庭參全怒殺許國屠其家國被執窘曰杜耒教我乃以
藁束耒而生爇之遂叛後全圍揚州時趙葵守城因元宵放
燈全移營灣頭亦放燈趙葵掛榜城曰許百騎入城觀燈聞
李全喜著白袍一夕八十騎皆皂袍遊城出去一夕百騎皆
紅袍又次夕百騎皆白袍葵設伏閉城盡殺之至第三年別
本作修城見金甲一帶方知全死於此韃靼自山東通好
欲假淮東以趨河南羣臣議不許度正奏韃靼兵入蜀詔
諸州守臣嚴守備兵退曲赦四川軍民襄帥陳垓奏韃靼
國遣使約夾攻金詔羣臣議追毀趙汝驟出身文字真
德秀以慶壽恩復寶謨閣待制飭州縣科糴之弊秋成

覈實災傷蠲減

蠲紹興被水民戶折麥

都城大火延燒

太廟三省六部御史臺祕書玉牒所詔求言籍田令徐清叟
上疏乞爲濟王立後其略曰巴陵有過罔克繼統陛下手足
之愛可謂甚至不幸狂寇猝發陷巴陵於不義服御僭擬死
有餘罪然在彼縱非在我不容不厚奪爵廢祀暫焉猶可久
而不赦厥罰爲甚今火延太室由陛下一念之愠忍如同氣
傷和召異疏上不報辛卯之火比辛酉之火加五分之二雖
太廟亦不免惟史丞相府獨存洪舜俞有詩云殿前將軍猛
如虎救得汾陽令公府祖宗神靈飛上天可憐九廟成焦土
時殿帥乃馮榘也人言籍籍迄不免責

壬辰紹定五年春詔知舉陳貴誼等先器識後詞藻 二月

太白經天 廷試定在四月 上親試舉人賜徐元杰以下
及第出身有差 陰雨出米紓民食 蠲竹木之征三月
詔諸路監司減放旱歉 陳貴誼乞革文弊 國兵與韃靼
國兵合圍燕京金義宗自汴京突圍出奔歸德府 李日邁
乞詔舉廉去貪 勅盱眙改爲招信軍 韃靼國遣使來議
夾攻金人史嵩之以鄒伸之奉使草地報聘北朝伸之曰本
朝與貴國素無讐隙寧宗嘗遣使臣苟夢玉通和自後山東
爲李全所據河南又被殘金所隔貴國今上順天心下順人
心遣王宣撫來通好所以伸之等前來北朝從之仍許以河
南歸本國

癸巳紹定六年詔抑貪競 李日邁乞詔諸道隨有無勸分

置寨松江口防海道

戒飭坑冶司納新錢毋許截錢納

券

二廣敷鹽之害

六月金主歸德絕糧奔蔡州金主自

發歸德連日暴雨平地水數尺軍士漂沒甚衆及蔡始晴復

數月大旱識者以爲不祥

趙葵乞經理營田

趙至道奏

民間賦稅宜選擇鄉司以革產錢飛走之弊

賜史宇之宅

之出身

秤提見鎰流通

十月史彌遠死彌遠開禧丁卯

爲禮部侍郎白楊太后誅侂冑事甚祕侂冑死而寧宗不知

居數日上顧問侂冑安在否左右乃以實對上深悼之彌遠

爲相十七年寧宗崩廢濟王立理宗又獨相九年用余天錫

梁成大李知孝等列布于朝最用事者薛極胡榘聶子述趙

汝述時號四木彌遠出入禁苑擅權用事臺諫爭言其非上

思其功不忘復進其姪嵩之 史嵩之爲京湖制置使置司

襄陽 十一月遣襄陽太尉江海襄陽帥孟珙以兵四萬人

至蔡州滅金兵駐城南帥臣史嵩之運糧十萬給南北軍

甲午端平元年春正月改元詔曰春秋正王道之端式嚴謹

始聖德開太平之路尤貴更新 元日詔求言舉賢 十一

月孟珙兵先薄蔡州城下時韃靼國兵未至珙攻城甚急金

主知城必破乃傳位後主閉閣自縊後主爲亂軍所害 鄭

清之除左相喬行簡除右相收召人才如真德秀魏了翁諸

賢時論以端平比之元祐 優恤兩淮運米人夫 賑恤三

京降附 夏除真德秀吏部尙書 史嵩之上露布以八陵

圖守緒骨函及參政張天綱都尉完顏好海玉帶金銀牌等

來獻除知樞密院事都督軍馬 嵩之奏乞經理四京有詔
集議真德秀洪咨夔趙履常等爭之惟鄭相主其說 洪咨
夔奏金亡而有興者 高奎奏邊事四幸四慮 詔集議和
戰攻守 趙汝洌奏黃州六關 詔歲除主帥主兵官揀汰
諸軍 諸路黥隸人押赴淮襄充軍 趙立夫奏和糴利病
禁銅錢下海 袁甫奏蠲漳泉興化丁錢 詔李心傳修
國朝會要 詔措置楮幣 秋除真德秀翰林學士知制誥
兼侍讀 魏了翁除禮部尙書兼侍讀尋除端明同簽書樞
密院督視京湖軍馬 出內帑緡錢兌易 卻歸正蕃臣獻
馬 蠲放仁和地稅 冬以趙范爲荆湖制置使鎮襄陽
九月真德秀進對上曰卿去國十年每切思賢時襄閫代去

江淮出師取三京王師果潰于洛陽退守泗州公奏三劄一

言今中原無主政是上天鑒觀四方爲民擇主之時若能修

德格天必命陛下爲中原之主

○元刻本必命上有天字

不然則天命將

歸之它人臣向爲先帝陳祈天永命之戒其說出於召公然

反覆召誥一篇綱目曰敬德曰小民而已傳曰敬者德之聚

儀狄之酒南威之色盤游弋射之娛禽獸狗馬之玩有一于

此皆足害敬其可不戒此祈天永命之一也天之視聽因民

視聽民心之向背卽天心之向背權臣之末貨賂公行誅求

旣廣民不堪命大盜相挺而起

○別本作相

賴陛下布端平之詔

一洗而新之然望賄道而賄進者尙存懲賊吏而賊多者漏

網江淮軍興調度騷然宜戒郡邑培刻停邊閭科調此祈天

永命之二也易曰天之所助者順人之所助者信天厭夷德
久矣陛下儻能敬德以迓續休命中原終爲吾有若徒以力
求之而不反其本天意難測臣實憂之二言進取有二難用
兵莫急於人才今舉世所屬曾不數人一難也臣嘉定中嘗
乞經理兩淮墾田積穀而權臣視以迂闊塞下之備枵然一
旦舉兵乃漕浙米由江入淮汴旣久湮又須陸運勞費甚於
登天二難也夫此二難皆權臣玩愒之罪非今日措置之失
然承三十年之弊欲整治之非十年不能此正諸葛亮閉關
息民之時也願以稅歛靠實爲主○原空稅字依元刻本補又
言今日事勢猶以醫和扁鵲○原本無醫字繼庸醫作壞之
後一藥之誤代爲庸醫受責矣兢業戒謹尤當百倍三言戰

守之論不同同於爲國元祐中廩廩向治

○原空下廩字依元刻本別本補

惟羣賢自相矛盾

○元刻本無惟字

小人得以乘之願平心商榷以

前事爲戒上輒稱善又言士大夫狃於舊習上曰往往革面而未革心乞選監司郡守上曰聞卿所至視民如子朕甚嘉之德秀又言恢復名義甚至但故相不曾做得工夫上曰昨讀卿所上封事可見忠誠魏了翁奏劄曰陛下以聖智之資而爲權臣所據者十年幾無以自白於天下今幸居可爲之時外而百官奔走效職內而嬖御便嬖取憐或者視之必曰今乃知爲皇帝之貴也今天下太平及時爲樂也臣以古今禍福觀之則陛下雖曰勢重形佚其實巍然孤立居至艱至危之地而不自覺也陛下試思之獨居深宮之中可託者

誰歟當事變遷來之時可以係天下之重者誰歟詩曰价人維藩大師維垣大邦維屏大宗維翰懷德維寧宗子維城此六者守邦之要道也又曰天下者祖宗之天下也今日之疆事天下之存亡係焉陛下其忍以祖宗天下存亡之機而付之二三邊臣聽其自爲而略不加之意乎其忍以私恩意而用之私情囑而比之乎今秋防正急鹵莽特甚事關國家

別

本作事有關於國家

日夜痛心若一敗塗地而歸罪於儒生之誤國雖

身膏鈇鉞

別本膏作嘗

死無所益是以及今嚬嚬言之必望聖慈

見之施行不然臣之言未肯已也兵威所加凶醜讐服則有之矣今敗於彭城而李全降敗於朐山而胡義降此豈人情也哉儒生與戚宦不兩立而用儒受言與聲音酒色亦異途

此重則彼輕勢使然也及督視京湖又曰臣仰體國家之急
不待文檄星馳就道旣而祈請錢物辟置屬官皆不能盡如
初意臣之處此進退維谷矧又有難於此者乎竊意廟堂之
上必以廬黃賊酋多斃賊未退而荆襄淮西之事方棘也

本類作等

今已赤地千里往往行十日無炊煙以千卒偃偃乎舒

蘄之南窮日之力奔馳六十里未明而行或憑鼓而閱警報

一夜就寢或推枕而行文移猶慮其不及可也

別本可作伺

真

德秀進大學衍義其書首之以帝王爲治之序次之以帝王

爲學之本莫不自身心始也此所謂綱也首之以明道術

行肆

人才審治體察民情者格物致知之要也次之以崇敬畏戒

逸欲者誠意正心之要也又次之以謹言行正威儀者修身

之要也又次之以重妃匹嚴內治定國本教戚屬者齊家之
要也此所謂目也首之以聖賢之訓典次之以古今之事迹
人君所當知之理所當爲之事粗見於此凡四十三卷次日
後殿聚講上曰卿所進大學衍義一書有補治道朕朝夕觀
覽後德秀輪當進讀大學章句畢上諭卿所進大學衍義便
合就今日進讀

○別本
讀作講

蒙古國使人入朝

乙未端平二年春以真德秀知貢舉 天狗星墜淮安軍金

棠縣其聲如雷三州之人皆聞之及相與觀則化爲碎石其
色紅或者以爲兵戈之兆 三月以真德秀參知政事以疾
辭除資政大學士提舉萬壽宮德秀奏請息民講武上嘉納
之未數日薨謚文忠 安南國進方物 四月上試進士賜

吳叔告等及第出身有差 詔邊臣警備 臣寮奏乞以保
蜀爲念 五月唐州守楊侁至襄陽稟議因言本州統制郭
勝有異志趙范先置勘院將召郭勝以鞫之會蔣應分司唐
州以泄其事郭閉城率衆射死侁於涼簷中且密遣人求北
援反報至襄趙范乃命忠衛都統江海領兵號二萬又命隨
州守臣全子才節制諸項軍馬攝棗陽軍劉子澄策應趙楮
監軍三人皆以西師之敗咸願自奮七月三日北兵至唐州
棗林子才子澄聞之而遁十一月北兵至襄陽約六七千人
下寨于桓溪山趙范出師戰於上閘口余哲軍敗喪數千人
再戰勝之北兵退乃班師 臨安軍民交閤俞元虞奏軍無
紀律詔闕卒並依軍制 詔集議楮幣出度牒收兩界會子

節用以秤提楮價 詔行覆試法 陳均進長編綱目

遣使蒙古國

丙申端平三年春正月詔勸農桑 蠲興國軍秤尺牙稅錢

賜安南國王封爵襲衣金帶 駁放豪民出身 楮幣宜

造十八界降黃榜措置會子 賑韶州英德府水賑襄漢水

詔蠲被水州郡稅 明堂行禮之夕大雨震電人以爲燹理

非人之咎鄭清之喬行簡並罷相尋有旨留行簡侍經筵冬

再相進平章軍國重事封益國公行簡清直有人望薨于位

十二月韃靼國兵入普州順慶潼州府破成都府掠眉州

一月五十四州俱陷破獨夔州一路及瀘果合數州僅存蜀

將曹交聞死元刻本 蜀破而淮甸有警 王瓚奏備邊之

交作友

計 孟珙任四川宣撫使兼京湖制帥創南陽書院

○別本創作建

以處襄漢流寓之士竹林書院以處四川流寓之士習射軍中而亦讀書頗能文尤多著述

丁酉嘉熙元年詔趙葵措置邊事 開邊後下詔悔過 詔

沿邊帥守議和戰攻守之策 詔安集淮蜀京襄 給犒沿

邊將士 詔國子監刊文公通鑑綱目 許應龍除端明殿

大學士簽書樞密院事 六月行都大火由已至西延燒居

民五十三萬家士民上書咸訴濟王寃者侍御史蔣峴史黨

獨唱邪說謂火災天數何預故王事遂劾方大琮王逸劉克

莊鼓扇異論同日去國并斥進士潘昉姓同逆賊語涉不順

皆論以漢法自後羣臣無敢言者

○別本作再無敢言者

監簿徐鹿

卿面對其略曰臣聞至不可玩者上天之怒心尤不可忽者
斯人之疑心知所以解人心之疑則可以息天心之怒矣陛
下嗣承丕緒十有四年其間災異何所不有三變爲尤大辛
卯之災人以爲權臣專擅之應陛下方且念其羽翼之勞潛
晦委重於是天怒未息而警之以喪師失地之變三京之敗
人以爲諸臣狂易之致顧乃委曲諱護三年而始下哀痛之
詔於是天怒未息而警之以震雷之威明禋之異人以爲燮
理非人之咎陛下雖能逐一宰臣然舛政宿弊大率多仍其
故於是天怒不息而鬱攸之警至於再矣火迫於開元陽德
之宮獨不之燬豈非天以彰我寧宗盛德以警動陛下之心
乎衆心之所疑也椒房之親富顯之可也節鉞之華不以待

有功而汲汲及此恩寵先之火亦先之衆心之所以重疑貴

親懿戚人頗議其干請之數

○干請原譌于親依別本改

火越兩河而徑

趨之所以愈疑也非獨四疑又有三謗政令出於朝廷是矣

然御筆時至於中書宣諭或及於要地事關封駁不免留中

名在白簡間煩貼方面置局以行囑托每有科降椿留供費

○別本椿作逗

此錢此物歸之誰乎朝廷每一舉措令未至而彼亦

知之每一議論計未決而彼亦聞之臣以爲不塞交通之路

則謗不解除授出於公朝是矣然除目未頒已有謂某爲某

邸之客某登某人之門旣而有脗合者矣除目旣下則又曰

某出於懿旨之叮嚀某出於御札之訓諭雖卑官小職有不

能不然者矣伴食故臣生無錙銖之勞沒乃論定策之功別

本作沒受潛邸外姻他豈不可薄加恩數而參錯於邊方守定策之功

倖之任臣以爲不杜僥倖之門則謗不解天之所以怒也佚樂不足以奪憂勤是矣邊烽警急而增置嬪妃之閣錫宴雖罷而未撤排當之常名稱不正之人得以出入宮掖臣以爲不絕逸豫之謀則謗不解天之所以怒也因疑生謗因謗生疑陛下欲回天意則凡羣言之所指不必校曲直不必論是非痛自刻厲而速改之人心悅而天意解矣十月北兵犯安豐軍知軍杜杲有備北兵至以火炮焚樓櫓隨陷隨補以八都硬軍斫牌杈八都魯者皆死囚爲之攻城以自贖取披甲以牛羊十餘重爲之設面簾以障矢公募善射者用小箭專射其目盡中之北兵填壕爲二十七壩

○別本作二十八壩

次分兵

扼壩北兵乘南風縱燎俄風雨雪驟至

○別本俄下有而字

乃募壯士

奪壩路士皆奮躍死戰北兵退池帥呂文德突圍入協力捍禦淮右以安文德安豐人魁梧勇悍嘗鬻薪城中趙葵道傍見其遺履長尺有咫訝之或云安豐鬻薪人也遣吏訪其家值文德出獵暮負鹿虎各一而歸留吏一宿偕見趙留之帳前在邊立功遂至顯宦

戊戌嘉熙二年詔三衙及諸軍統制舉堪充將材二人詔舉通曉兵財人才春安豐軍捷書至杜杲進三秩授將作監兼淮西安撫尋除知廬州浙江水災遣使施惠風雹爲災赦宥淮蜀四月上親試舉人賜周坦以下及第出身有差時邵澤同廷對有中貴人巡按見邵澤所磨京墨甚

佳擬求之澤與無吝色

○別本與下有之字

中貴曰主上三日前

○別本作

三月前下同

御苑中方建一亭命名曰定一上曰若人用此立說

○別本若作士

取爲狀元

○別本句末有可矣二字

邵得其說

○別本邵下有澤字

揮毫如

飛中貴見其文字

○別本中貴下有入字

回奏曰陛下三日前方建定

一亭一士人用此立說上大喜於是搜求此卷遂得邵澤欲

寘首選時已取周坦爲狀元羣臣賀曰喜陛下今日得周邵

於是澤爲榜眼

九月察罕擁北兵八十萬圍廬州約先破

廬後造舟巢湖以窺江於壕外築土城周圍六十里穿兩壕

攻具皆數倍於犯公安者杜杲與客登城四郊鐵騎極目無

際北兵日夕用攢砲攻打杲特串樓爲固

○別本特作特

北兵築壩

幾高於城樓杲以油灌草卽壩下煉之皆爲煨燼又於串樓

內立鴈翅七層砲中壩上衆驚杲乘勝出戰追躡數十里
北兵遁去杲又練舟師扼淮河遣其子庶監呂文德聶斌軍
伏精銳於要害兵遇伏不能進或曰公何以知其必勝杲曰
力守淮河以迂其道也 舉遺逸補錢時吳如愚官 放行

混補

命王禁察訪江面

○元刻本禁作
墊別本面作南

詔犒擺鋪軍

較財用司殿最

趙康奏會計州縣財賦

喬行簡奏兵財

分委執政

置國用房

申飭鹽課

出祠牒會子給四川

軍人生券

因旱賑濟寬減

冬除杜杲兵部侍郎淮西制

置使

蒙古國遣使來乃遣使報聘曹觿奏以爲和議不可

信

宋季三朝政要卷一終

宋季三朝政要卷二

理宗

己亥嘉熙三年詔覈州縣義倉以備賑濟 旱因旱賑卹寬

減 詔蠲民三年零租 詔兩司築堤捍潮 喬行簡用元

祐故事平章軍國重事李宗勉左丞相史嵩之入奏就拜右

丞相嵩之獨當國一時正人如杜範游侶劉應起李韶趙汝

騰等皆以不合逐去三相當國時論謂喬失之泛李失之狹

史失之專然宗勉清謹守法號賢相薨于位 陳韓爲建康

留守斬殿司崔福福從趙葵收李全名重江淮後爲 鈴奪

統制官王明鞍馬又追逐總所趙監酒親屬韓委會廳戒諭

然終不悛值王步帥統師過淮乞崔福軍協力因厚遣之福

遇賊不擊托言葬女而歸更不申聞大閫主帥亦無如之何
韓以爲從本帥調遣而蔑視軍法如此若不明正典刑則更
相倣效遂斬之旣而自劾朝廷獎諭赦罪時論以良將難得
而韓以私忿殺之 十月虹見 風雹爲災 杜杲破察罕
八十萬除權刑部尚書

庚子嘉熙四年春止月詔貢舉崇寧殪躋道真 地震 星

變下詔免已 白氣亘天 江浙福建旱傷 紹興府薦飢

蠲紹興府夏稅 救嚴州荒 都城大荒飢者奪食於路盜

於隱慮掠賣人以微利市中殺人以賣曰未晡路無行人

北使王檄來先是檄請北朝與本國和好嵩之遣使至草地

與檄偕來議歲幣 彭大雅使北 詔賦稅苗米毋得多科

取於民 秤提會子史嵩之以五折二十七界會子五道准
十八界一道

辛丑淳祐元年正月朔詔舉文武才 降詔幸學 上幸太

學詔周敦頤張載程頤程顥朱熹從祀夫子廟庭黜王安石

從祀御書白鹿洞規賜諸生 以杜範知貢舉 戒飭殿試

選識治敢言之士 四月上試進士賜徐儼夫等及第出身

有差 徽州火 詔飭監司嚴禁賊吏 詔高定子修四朝

國史 詔別之傑措置戰禦○閣本別本並作劉之傑惟元刻本與此同不誤後倣此

詔補三衙闕額 申明常平義倉○別本句首有詔字 杜範拜右相

範性剛介以不阿附時相去位 曹豳奏三閫和戰之義不

同○元刻本作議

壬寅淳祐二年賞趙武築夔城 雨雹 詔六曹寺監錢穀

並上籍于朝 別之傑入覲言邊事 旌王定葉武子恬退

賜趙葵出身同知樞密院事 詔軍功就鄉舉者聽 賑

濟紹興處婺水澇 劉漢弼言茶法十八事 別本八作六 李曾

伯乞主守視 別本作規 徐榮叟參知政事李公韶與宰相議

不合求去榮叟曰詔議論無阿附朝行如此士夫絕少安可

去言不聽而榮叟求去 杜杲解義真園功進敷學 給諸

軍雪寒錢 出米楮令安豐修武備 趙時學奏蜀事

癸卯淳祐三年春詔科舉求有用之學 蠲高郵創收牛租

賦稅詔用十八界會折錢 賞王福等築安豐城 申嚴

社倉科配之禁 召趙葵欲除右丞相葵到京言者謂宰相

須讀書人葵知之乃徑出國門上表辭相位曰霍光不學無術每思張詠之語以自慚后稷所讀何書敢以趙抃之言而自解歸領鄉郡 詔撥軍箭給招信軍 置策應軍屯京口 賞何舜臣舟師策應之功 命余玠宣諭蜀 劉晉之言

蜀當置閫重慶 彭大雅守重慶時蜀已殘破大雅披荊棘冒矢石竟築重慶城以禦利閫蔽夔峽爲蜀之根抵自此支吾二十年大雅之功也然取辦促迫人多怨之大雅微時有富民資以金穀待以飲饌隨其所需略無厭倦一日富民毆死一鄰人大雅奮然以身當之自入詞于官云此事是某願下獄供析富民賴之免適其年大比太守憐其才俾之就試是秋領舉併釋之次年登科官至朝郎出爲四川制置甚有

威名識者謂其義氣滿胸前程遠大已於此見矣其築重慶也委幕僚爲記不愜意乃自作之曰某年某月某日守臣彭大雅築此爲國西門謁武侯廟自爲祝文曰大國之卿不拜小國之大夫今大雅拜矣非拜公也拜公之八陣圖拜公之出師表也其文老成簡健如此聞者莫不服之後不幸遭敗而卒蜀人懷其恩爲之立廟 蜀自丁亥失關外丙申殘破之餘所存僅數州蜀中財賦入戶部五司者五百餘萬緡入四總領所者二千五百餘萬緡金銀綾錦絲綿之類不與焉旣失蜀國用愈窘鄭損旣罷朝廷用余玠彭大雅余玠者不羈之士上於布衣中擢用之入蜀作經理四蜀圖奏曰願假十年手挈四蜀之地還之朝廷然後歸老山林臣之願也上

許之於是悉遷蜀郡平曠之地分治險要如合州治釣魚山

之類是也在蜀十年有經理功

別本理作略

大雅亦有勞績

別本勞

功作玠大雅死用余晦李曾伯皆以貪謬罔功朝廷亦視蜀爲

墮甌矣

呂文德總統兩淮出戰軍馬

令淮東提刑節制

摧鋒軍

甲辰淳祐四年春以金淵知貢舉

賞曹致苞砌山城

建

龍翔宮於中瓦奉祀感生帝君拆居民屋宇三除之二

甲

嚴州縣受租苛取之禁

四月上試進士賜留夢炎等及第

出身有差

五月劉晉之除諫議大夫呂午除起居郎趙綸

除起居舍人王瓚殿中侍御史龔基先胡清獻除察院

六

月呂文德依舊侍衛馬軍副都指揮使兼淮西路招撫使節

制濠豐宿亳等軍兼知濠州 壽春城築甫畢北兵突至植

柵重橋絕港以遏援師

別本過作扼

王鑑等首調制領策應事

八月寧宗參配天地差官奏告 察院龔世基奏川蜀京襄

兩淮守備及擇將選兵事 劉大諫奏推功賞以勵軍心明

分義以定人心寬征賦以悅民心 鄭起潛除權兵部尚書

戒邊將毋擅興戎 孟珙造戰車招河南八郡來歸 招

江淮失業人置武勝軍 詔犒壽春解圍安豐策應將士

李曾伯爲荆湖制置使 賞萬春等招遊擊軍 史嵩之進

四朝中興史 詔兩浙郡邑夏稅折帛並以楮準錢 范知

院再乞歸田里不允 九月項容孫除吏部侍郎葉賁起居

郎陳螳權工部侍郎陳一薦兼權禮部侍郎韓祥起居舍人

命御史監銓試

察院胡清獻奏乞禁戢兩浙和買江西

運綱福建和糴廣南丁錢擾民四弊

史彌忠薨上遺表特

贈少師保寧軍節度使鄭國公仍令有司定謚以聞

史嵩

之丁父彌忠憂詔起復右丞相兼樞密使永國公令學士院

降制先是黃濤上書乞斬嵩之以謝天下劉應起上疏謂嵩

之牢籠既密則陛下之國危省元徐霖上書言其姦深擅權

上不之悟至是侍郎徐元杰上疏令其終喪史憾之上亦不

聽太學生黃愷伯金九萬孫翼鳳何子舉等百四十四人上

書曰臣等恭覩御筆起復右丞相史嵩之令學士院擇日降

制臣等有以見陛下念時事之多艱重大臣之去也臣等切

謂君親等天地忠孝無古今事親孝故忠可移於君自古求

忠臣必於孝子之門未有不孝而可望其忠也宰我問三年之喪於夫子而曰期可已矣其意欲以期年之近而易三年之喪夫子曰予之不仁也子生三年然後免於父母之懷夫三年之喪天下之通喪也予也有三年之愛於其父母乎夫宰予期年之請夫子猶以不仁斥之未聞有聞父母垂亡之病而不之問聞父母已亡之訃而不之奔有人心天理者固如是乎是不特無三年之愛於其父母且無一日之愛於其父母矣宰予得罪於聖門而若人者則又宰予之罪人也此天地之所不覆載日月之所不照臨鬼神之所共殛天下萬世公論之所共誅其去夷狄禽獸不遠矣且起復之說聖經所無而權宜變禮衰世始有之我朝大臣若富弼一身佩社

稷安危進退係天下重輕所謂國家重臣不可一日無者也
起復之詔凡五遣使弼以金革變禮不可用於平世卒不從
命天下至今稱焉至若鄭居中王黼輩頑忍無恥固持祿位
甘心起復絕滅天理卒以釀成靖康之禍往事可覆也別本覆
鑒作彼嵩之何人哉心術回邪蹤跡詭祕曩者開督府以和議
墮將士心以厚貲竊宰相位羅天下之小人爲之私黨奪天
下之利權歸之私室蓄謀積慮險不可測在朝廷一日則貽
一日之禍在朝廷一歲則貽一歲之憂萬口一辭惟恐其去
之不亟也嵩之亡父以速嵩之去中外方以爲快而陛下
起復之命已下矣陛下姑曰大臣之去不可不留也嵩之不
天聞訃不行乃徘徊數日牽引姦邪布置要地彌縫貴戚買

囑貂璫轉移上心衷私御筆必得起復之禮然後徐徐引去大臣居天子之下位百官之上佐天子以孝治天下者也孝不行於大臣是率天下而爲無父之國矣鼎璫尙有耳嵩之豈不聞富公不受起復之事乎而乃忍爲鄭居中王黼輩之所爲耶臣謹按古禮親有疾飲藥子先嘗之嵩之於其父之病也盍涕泣以告陛下曰臣父年八十餘矣恐朝夕不相見矧陛下春秋鼎盛臣事陛下之日長而事父之日短願陛下哀而賜之歸使臣一見老父終天何憾陛下以孝教天下未必不可其請也今嵩之視父病如路人方峩冠整佩洋洋入政事堂鼎食談笑無異平昔昔李密有言臣無祖母無以至今日祖母無臣無以終餘年烏烏私情願乞終養密之於祖

母猶爾嵩之之於父獨不然乎臣又按禮經父母之喪見星而行見星而舍嵩之於父之死也盍號泣於昊天曰某不孝父病不及藥是罪大矣今父死不及殮欲與俱殞不可得也星馳奔赴雖日行百里可也今嵩之視父死如路人方經營內引搖尾乞憐作飛鳥依人之態又擺布私人以爲去後之地暨姦謀已遂乃始從容就道初不見其有憂戚之容也晉顧和喪母其君欲起之和曰古者固有釋衰經從王事者以其才足濟時也如和不才祇以傷孝道壞風俗爾時人高之和在衰世猶能盡其孝道以厲薄俗

○原作聲俗依閣本別本改

嵩之身

爲台輔曾一顧和之不若乎且陛下所以起復嵩之者爲某有折衝萬里之才與嵩之本無捍衛封疆之能徒有刳制朝

廷之術彼國內亂骨肉相殘天使之也嵩之貪天之功以欺
陛下其意以爲三邊雲擾非我不足以制彼也殊不知敵情
叵測非嵩之之所能制嵩之徒欲以制敵之名以制陛下爾
陛下所以起復嵩之者謂其有經理財用之才與嵩之本無
足國裕民之能徒有私自豐殖之計且國之利源鹽筴爲重
今鈔法屢更利之歸於國者十無一二而聚之於私帑者已
無遺算國家之土壤日削而嵩之之田宅益廣國家之帑藏
日虛而嵩之之囊橐日厚陛下眷留嵩之將以利吾國也殊
不知適以貽吾國無窮之害爾嵩之敢於無忌憚而經營起
復爲有彌遠故智可以效尤然彌遠所喪者庶母也嵩之所
喪者父也彌遠奔喪而後起復嵩之起復之後而後奔喪以

彌遠貪黷固位猶有顧藉丁艱於嘉定改元十一月之戊午
起復於次年五月之丙申未有如嵩之匿喪罔上殄滅天常
如此其慘也且嵩之爲計亦姦矣自入相以來固知二親
耄矣慮有不測旦夕以思無一事不爲起復張本當其父未
死之前已預爲必死之地近畿總餉本不乏人而起復未卒
哭之馬光祖京口守臣豈無勝任而起復未終喪之許堪故
里巷爲十七字之謠也曰光祖做總領許堪爲節制丞相要
起復援例夫以里巷之小民猶知其姦陛下獨不知之乎臺
諫不敢言臺諫嵩之爪牙也給舍不敢言給舍嵩之腹心也
侍從不敢言侍從嵩之肘腋也執政不敢言執政嵩之羽翼
也嵩之當五內分裂之時方且擢姦臣以司喉舌謂其必無

陽城毀麻之事也植私黨以據要津謂其必無惠卿反噬之虞也自古大臣不出忠孝之門席寵怙勢至于三世未有不亡人之國者漢之王氏魏之司馬氏是也史氏秉鈞今三世矣軍旅將校惟知有史氏天下士大夫惟知有史氏而陛下之左右前後亦惟知有史氏陛下之勢孤立於上甚可懼也天欲去之而陛下留之堂堂中國豈無君子獨信一小人而不悟是陛下欲藝祖三百年之天下壞於史氏之手而後已臣方涕泣裁書適觀麻制有曰趙普當乾德開創之初勝非在紹興艱難之際皆從變禮迄定武功夫擬人必於其倫曾於姦深之嵩之而可與趙普諸賢同日語耶趙普勝非在相位也忠肝貫日一德享天生靈倚之以爲命宗社賴之以爲

安我太祖高宗奪其孝思俾之勉承王事所以爲生靈宗社計也嵩之自視器局何如勝非且不能企其萬一況可匹休趙普耶臣愚所謂擢姦臣以司喉舌者此其驗也臣又讀麻制有曰謀諗憤兵之聚邊傳哨騎之馳況秋高而馬肥近冬寒而地凜方嵩之虎踞相位之時諱言邊事通川失守至踰月而後聞壽春有警至危急而後告今圖起復乃密諭詞臣昌言邊警張皇事勢以恐陛下蓋欲行其刼制之謀也臣愚所謂擢姦臣以司喉舌者又其驗也切觀嵩之自爲宰相動欲守法至於身乃誅蕩於禮法之外五刑之屬三千其罪莫大於不孝若以法繩之雖置之鈇鉞猶不足謝天下況復置諸巖巖具瞻之位其何以訓天下後世耶臣等於嵩之本無

宿怨私忿所以爭進闕下爲陛下言者亦欲揭綱常於日月
重名教於泰山使天下後世爲人臣爲人子者死忠死孝以
全立身之大節而已孟軻有言學則三代共之皆所以明人
倫也臣等久被教育此而不言則人倫掃地將與嵩之胥爲
夷矣惟陛下幸裁○別本作惟陛下裁之幸甚武學生翁日善六十七

人上書言史嵩之略曰天下不幸有無父之人不可使有無
父之國父年高而不之懼父疾篤而不之省及父身歿而不
之戚此市井小人不顧廉恥不恤物議者容或有之世所指
目爲無父之人也人而爲無父之人其罪特止於一身國而
爲無父之國其禍將及於天下陛下爲綱常之主正當以仁
孝治天下以忠義律臣子乃以不忠不孝之人位之父兄百

官之上其何以爲訓耶 京學生劉時舉王元野黃道等九

十四人上書略曰天下有一日不可廢之大倫必有一日不

可泯之公論大倫之盡廢固不足爲亂臣賊子羞公論之不

泯所以爲宗廟社稷慮先儒謂事親之情可奪○別本情則作心下同

事君之情亦可奪政以不忠實原於不孝無父必至於無君

此理之必然也陛下拳拳於嵩之之不忍釋者豈以秋風向

深冬寒又迫非嵩之素諳敵情熟識邊事莫能當此寄耶然

臣等不憂敵國之勢盛而憂陛下之勢孤○別本句末有者字昔者金

人之盛○別本作蓋金人之盛十倍韃人吾國之專政者秦檜爾檜死

而逆亮南牧兵號百萬孰不束手無策時宰臣陳康伯以靜

定運廟謨詞臣虞允文以忠義鼓士氣竟能成采石之捷成

誅亮之功檜之死而有陳康伯虞允文孰謂嵩之去而無如康伯允文者耶惟是陛下所進今不知其亡凡當世傑特之士皆銷落於嵩之排擯之餘如王萬謝方叔以爭不勝最先去游侶以大政不使聞而激之去劉應起以轉對直言去張蟠以轉對觸諱去劉漢弼以臺論攻嵩之之黨去趙與權以才名軋已而嗾逐斥去李韶以侍從數嵩之之專柄去王伯大以意向不合去趙汝騰以麻詞無佞語陰摘其小疵而遣去徐榮叟趙葵皆墮其機筭去別之傑號爲長厚

○別本有之士

字二又以每事必問本末假托而擠之去杜範尤爲簡聖眷負

人望上前敢論諍遇事有分決則又用李鳴復而速其去竊

聞王正月乙卯太學九士扣闥上疏乞罷鳴復而留範九士

囊封未徹於宸旒之聽而翹館之門生已入臺端矣庸邪小人奉承唯謹卽今同僚交章論範陛下所藉以爲耳目心腹者皆盡空於嵩之一網陛下雖尊居九重身處佚愉旁無可謀之人外無入告之益是以獨善之清躬游於史氏之黨局君父至此天下謂何 宗學生與寰等三十四人上書略曰肅讀麻制私切有疑陛下謂其修法度能制夷狄能運掉三邊能發蹤百將又謂嵩之可以慰中外之望凡此數者必非陛下之意乃嵩之之腹心小人之無忌憚者爲陛下之喉舌也嵩之不孝上徹于天弔者在門賀者在閭卽欲捨苦塊而坐廟堂脫衰絰而被公衮是可忍也孰不可忍也縱使陛下屬念史氏則公主旌節魚鱗雜襲陛下之恩亦至矣而嵩

之今乃一日不肯釋相位者其意將安底止耶惟陛下決去
大姦則社稷幸甚 建昌教授盧鉞與太學生同日上書皆
不報太學武學宗學再伏闕上書劉鎮又上封事上意頗悟
嵩之乃奏劄辭免 武舉劉耐叛 四學上書略曰嘗觀秦人
焚坑之禍漢末黨錮之獄使名士淪亡典籍消滅以貽千百
年不可追之恨者其端始於一二愚士橫議爾春秋戰國之
士聚于鄉校以議執政之然否或請毀鄉校而子產不許孰
不以是賢子產也臣猶恨子產於此時無以變士習淑人心
而付之自然陛下尊居天陞置輔相於左右蓋將以立國也
而輕儇浮薄者乃指名大罵自輔相至於臺諫侍從而下或
目之以禽獸或指之以鬼魅或斥之以盜賊然則朝廷何以

爲朝廷中國何以爲中國信斯言也人生之類滅久矣若使
嵩之眞要取起復而後去眞匿喪旬餘而後發固無逃天下
後世之議若嵩之聞訃未嘗匿喪而起復之命眞出陛下憂
時之本心亦當顯告天下下臣此章揭示四學輕儇浮薄者
有所警戒於世道實非小補 太學齋廊榜云丞相朝人諸

生夕出丞相夕入諸生朝出

○別本下二句作諸生夕出丞相夕入

時相惡京

學生言事謂皆遊士鼓倡之諷京尹趙與憲

○原作權依別本改

逐游

士諸生聞之作捲堂文辭先聖以出曰天之將喪斯文實係
興衰之運士亦何負於國遽罹斥逐之辜靜言思之良可醜
也慨祖宗之立國廣學校以儲才非惟衍豐芑以遺後人抑
亦隆漢都而尊國士肆惟皇上克廣前猷炳炳宸奎釐爲四

學彋彋束帛例及諸生蒙教育以如天恨補報之無地但思粉骨寧畏觸鱗盡言安石之奸共惜元城之去實惟公議不利小人始陰諷以三緘別本以作其終盡打於一網不任其咎歸過於君是誠何心空人之國昔鄭僑且謂毀校不可而李斯尙知逐客爲非彼旣便已行之吾亦何顏居此厄哉吾道告爾同盟勿見義而不爲當行已而有恥苟爲飽煖是貪周粟之羞相與攜持毋蹈秦坑之慘斯言旣出明日遂行京尹遂盡削遊士籍

乙巳淳祐五年春詔求通天文歷算之人 閔雨日食降詔

申嚴稅賦重催抑勒之禁 築泗州城出楮米爲泗州城

池費 杜範再入相薨於位劉漢弼以腫疾死徐元杰暴卒

時謂諸公皆中毒堂食無敢下筯自淳祐至寶祐正人指邪
爲邪邪人指正爲邪互爲消長 詔撫綏中原遺民 出楮
付殿司造軍器 史嵩之以永國公致仕 范鍾等上玉牒
等書 趙葵乞造戰船以備緩急 令沿海團結三郡民船
出楮百萬犒水陸戰守諸軍 陳韡參知政事同知樞密
院事 范鍾罷相時游侶與鍾並相不協鍾以臺諫罷鍾方
坐都堂臺吏以牒呼而出之

丙午淳祐六年春詔三學舉經明行修氣節之士 張蟠言
治兵理財 賜劉克莊出身領史事 賞蕭逢辰買馬修城
詔賈似道任責山寨城築 召鄭清之侍講經筵 置國
用所 旌林公遇恬退詢所欲言 胡穎有威名每見淫祠

卽毀之人呼曰胡打鬼丙寅爲廣東經略廣州僧寺佛像中有巨蛇藏於內時出享人祭祀僧托之題疏得錢數千緡賴至毀其佛擊死巨蛇而投諸江正僧人之罪籍其錢以沒官其怪遂息奏請禁淫祠上從之作集慶宮以祈福 詔舉閫臣計臣 章鑑疏乞儲才

丁未淳祐七年春以吳潛知貢舉 游侶罷相 鄭清之此

下至十二年余玠斬王夔事諸本皆脫依元刻本補再入相時清之昏耄政出子姪

雨雹 四月上賜進士張淵微等及第出身有差 改官田

所爲田事所 旱詔求言 詔諸統制各聽所屬節制 置

計簿房 劾守臣害科舉法 黃洪奏脩四朝史 削貪暴

吏官 津遺三邊士人歸里 削遂寧府監試鬻舉官 支

會付淮西造船艚船以備攻守 賜曾經北兵入地田租

蠲兩浙租七萬有奇 福建水詔發連司出米賑之

戊申淳祐八年春正月勸課農桑 工部尙書趙汝騰言黃

濤阿媚舊相濤申省辨白司諫陳垓御史蔡榮連章劾汝騰

以爲過言二人俱貶 夏徐清叟除端明學士僉書樞密院

事 申嚴太學規矩 秋飭武臣守邊備 秤提會子十七

界十八界會子永遠行用

己酉淳祐九年詔禮部貢舉精加考核 詔增兩淮六州解

額 賞陳純仁興水利 詔封安南國王 賈似道爲荊湖

制置使代馬光祖 吳潛帥越 臺綱不振時嬖寵干政彈

文及其私黨則內降聖旨宣諭刪去謂之節貼臺諫不敢與

爭 上命儒臣二人曰侍經筵 督府結局

庚戌淳祐十年春申警省閩求實才 以董槐知貢舉 殿

試改用八月十五日 詔准西帥提舉山寨 鄭清之入相

褒余玠八年守蜀之功玠字義夫有才略帥蜀八年 庭

寧肅人賴以安 八月上賜進士方夢魁等及第出身有差

立秤提會子殿最之法 詔郡邑出義倉賑水災 詔舉

閩臣計臣 上爲閩貴妃建功德院于九里松名顯慶寺殿

宇壯麗甲于靈隱天竺臺臣交章謂土木之工費國家財用

請節浮費以備軍儲 嚴州水 十二月丁巳虹

辛亥淳祐十一年春申明游土貢舉法 求遺書及名士著

述 吳潛謝方叔入相時二揆虛席嵩之貨游土上書薦已

喧傳麻制已下衆心洶洶及聽宣制則吳潛謝方叔也始上
欲相嵩之中夜忽悟召學士改相二人焉 陳垓奏立紹興
書堂 余玠獻捷先是玠帥蜀慷慨自許有挈胡地還天子
之語上嘉之玠在蜀創建城壁脩築關隘增屯堡柵數年之
間邊塵不驚浸以驕恣而清之再相因愆恩其進兵于是一
意出師雖有小捷後至興元無功而還 劉克莊趙以夫同
修纂國史 詔賑濟流民 詔兩淮京襄沿江團結保伍
浚合肥濠 立郡庠校課赴上庠補試法 鄭清之薨于位
上臨其喪哭之甚哀 劉漢弼奏襄閩當在江陵 詔殿司
殁故者許子弟填刺

壬子淳祐十二年春新歷成賜名會天 申嚴諸郡教閱

宰執奏儲邊面之才 廢江灣等五酒庫 秤提會子以吳

潛專任其責 詔諸路帥臣沿邊武備宜爲經久規模 復

閏二月省試四月殿試 罷諸郡經界 六月嚴衢婆信台

處建劔邵同日大水冒城郭漂室廬人民死者以萬數徐清

叟奏曰唐五行志曰取財過度則陰失其節而水溢今日國

課所入未幾增直取贏而商賈告病此大水之所由應也漢

關中大水翼奉以爲親舅后之故故今日少抑宦官戚畹亦

可以同天意矣 蠲新復州縣稅三年 論輔臣變文體

蠲臨安府稅征 詔舟師各分地面 詔立江淮游擊軍

詔襄樊措置屯田 臨安府詔求書 進錄彭大雅創築渝

城功 州縣折納全用楮 給度牒下臨安府易兩界破會

冬十月韃靼兵掠成都薄嘉定四川大震皆玠出師之誤

有以召之

余玠斬王夔

○以上自淳祐七年鄭清之條再入相下至斬王千有三十五字諸

本並脫去

閣本別本夔作夔張本以夔字無義徑改爲薨大謬今並依元刻本補正

人皆寃之

徐

清叟參知政事時余玠專制於蜀每交結權要及中外用事者奏牘詞氣悖慢示敢專制之狀上意不平之徐清叟奏云余玠不知事君之禮陛下何不出其不意而召之上不答清叟留班奏云陛下豈以玠握大權召之或不至耶臣度玠素失士心必不敢上乃從其言

癸丑寶祐元年徐清叟奏當守東海連水

賈似道海城獻

捷

四月士人太學補試士人入試蹂踐而死者衆

溫台

處大水

申嚴廷試挾書之禁

北使到濠州

召余玠以

本職奏事庚牌到蜀而玠以漢中敗績而歸羞愧飲藥而死
十一月大閱 上試進士賜姚勉以下及第出身有差
上問邊報如何忽襄閩奏捷上大喜

甲寅寶祐二年以余晦宣撫西蜀道而行奏云晦非其才乞
收回差遣上不報徐清叟奏云朝廷命令不甚行於西蜀者
十有二年矣今者天斃此玠乃祖宗在天之靈社稷無疆之
福陛下大有爲之機也今乃以素無行檢輕儇浮薄不堪任
重如晦者當之臣恐五十四州軍民不特望而輕鄙之夷狄
聞之亦且竊笑中國之無人矣所有除晦內批乞賜收回上
責清叟曰數十年來未見執政繳回成命者卿若固執則廟
堂之間同列之義皆有不妥詔命已頒決難反汗其後晦果

敗蜀失紫金山要地爲城之

別本爲下有其字疑並有脫誤

錄余玠家

財助蜀

詔撫諭四川官吏軍民

北兵築利州閬州

收

復安西堡奏捷上大喜乃賞將士之有功者

賈似道城東

海

上問淮哨退否詔呂文德應援上下

謝方叔等進經

武要略等書

徐清叟除知院兼參知政事清叟奏蜀置四

帥

排保甲行守實法

安南國王加封奉正功臣

措置

錢楮

余晦斬王惟忠惟忠與晦俱浙東人少微賤晦小名

余再五以余天錫之薦爲四川制置使時惟忠爲利路安撫

闕除目笑曰余再五來也晦聞之怒誣奏惟忠潛通北境下

大理寺勘官陳大方承旨燬成之惟忠斬於市血流面上惟

忠色不變謂大方曰吾死訴於天未幾大方朝恍惚與惟忠

遇還遂卒

乙卯寶祐三年春正月詔郡國取典雅恢闔之才 謝方叔

罷相言者謂方叔之政皆出子弟故罷相制云政權皆由滯

出人謂斯何國事非當密言父訓安在以董槐爲右丞相

三月己未雨土 雲南有北兵思播當嚴爲備

別本北兵下有至字嚴

下有政字備下有要字

詔邊事許盡言不許傳播 賈似道興復廣

陵堡城 蜀郡地震 均州築城龍山 四川兵財並聽宣

司 詔溫和守鬲奴堡以守光化 巴州獻捷 諸州禁兵

不得差借 教閱精加選擇 六月丁大全除司諫陳大方

除正言胡大昌除侍御時目大全大方大昌爲三不吠犬

令諸路自實田畝以覈滲漏徐清叟曰自實乃秦之弊法不

可再復數月兩浙江東西民甚苦之上 日臨朝曰自實擾
民可且住行 御史洪天錫劾內官盧允升董宋臣疏不行
而去國巨璫董宋臣逢迎上意起梅堂芙蓉閣奪豪民田引
倡優入宮招權納賄無所不至人以董間羅目之時閭如猶
寵馬天驥丁大全用事有無名子書八字於朝門云閭馬不
當國勢將亡 兩淮奏擒奮海僞元帥

丙辰寶祐四年詔舉廉吏 邊備合加中嚴 立安邊太平
局 董槐罷相時丁大全爲監察御史奏槐章未下先調臨
安府隅兵百餘人挺刃圍其第以臺牒臨迫出之時有詩曰
空使蜀人思董永恨無漢劍斬丁公 程元鳳爲右丞相
太學生陳宜中等上書攻丁大全大全怒取旨陳宜中黃鑪

林則祖曾唯劉黼並削籍編置下臨安府押出國門祭酒司
業率二十齋學生冠帶送出園橋府大全愈怒立碑三學戒
勵諸生毋得譸張噪吻妄議國政又令今後諸生上書須前
廊學官看詳牒報檢院方許聞奏四日上試進士賜文天
祥等及第出身有差撥官詰祠牒收換弊楮並從燒毀
出庫錢兌使出新川會收換川引賈似道參知政事兩
淮大使下詔訓貪詔戒培克定趙與憲招軍名遊擊
蜀中得捷奏加警備因蜀捷趣上功恤流離優恤援蜀戍
兵韃靼兵築棗陽冬犯襄陽爲援郢計獎諭李曾伯復
襄樊嚴加老鼠隘韃靼兵留大理國浙江堤成賜
安南國獎諭上欲復用嵩之詔除觀文殿大學士落致仕

與前執政恩數蔡抗奏乞收回恩命三學上書攻之遂依前致仕卒 上以御寶黃冊催內藏坊場錢知嚴州吳槃奏言內庫理財太急督促太峻龍章鳳篆施於帑藏之催科寶冊泥封下同官吏之文檄居萬乘之崇高而商財賄之有無事雖至微關係甚大他時青史書之曰以御寶督坊場錢自今日始何以爲萬世法董宋臣諷臺諫邵澤劾之

丁巳寶祐五年詔以新美士習爲先 趙葵乞招軍十萬

趙葵水陸並進大捷 褒淮閩獻捷 姚永慶言蜀中便宜

蜀中之捷 詔安集蜀民 蜀報北兵犯巖州 置廣右

堡塞 築宜州城防窺伺邕宜分洞兵控扼施黔 吳淵乞

萬兵備瀘潯思播 劄蒲擇之措置鹽井等隘 賈似道奏

築荊州城

謀收復光棗

丁大全入相大全得寵

○別本作情

在臺橫甚宰執畏之依憑二監竟彈逐宰相而據其位

程

元鳳進玉牒等史

十月虹見

臨安火

申徹邊備

詔

整舟師之備

放逃亡軍

請蠲州郡欠內帑項目

督責

郵遞稽滯

賊吏周福孫貸命流二千里

戊午寶祐六年春正月元旦戒飭惜名器

程元鳳罷相

詔帥臣謹邊備毋恃其不來

馬光祖向士壁自捐軍費

詔諸閫招填軍額

北兵窺苦竹隘諭蒲擇之守苦竹隘

韃靼兵

○別本兵上有國字

窺劍門又窺東川令蜀將各分地分防禦

○別本作分守防禦似衍

劉雄飛捷于橫山雄飛本隆興府犯事人解

至鄂州收繫一日得脫宿荒沙壩中夜半見天門開心切自

喜遂投充揚州制司敢勇軍出軍有功似道辟差權和州不
數日除知州遷四州制置使 韃靼兵犯安南田應寅乞屯
瀘渚援思播乃修築思播關隘調兵防播州支徑差官相度
置黃平屯趣徐敏子防邕宜 韃靼兵侵羅氏鬼國屯兵爲
交人聲援 長寧軍修築凌霄城成 監司郡守不許擅支
官錢 楊禮堅守安西堡進官 詔督府江淮制置進援上
流 分遣舟師防拓 趙葵申隨州之捷 光化之捷 襄
樊解圍 賑卹過江轉徙淮民 出米賑糶收弊楮 徐涇
孫除給事中 韃靼兵哨通泰又哨安豐守臣迎敵卻之繼
而懷遠漣水皆奏捷詔嚴備上流 杜庶除刑部郎辭免陞
寶章閣仍舊淮西憲兼知廬州主管安撫司公事

宋季三朝政要卷二終

宋季三朝政要卷三

理宗

己未開慶元年春正月朔戒中外奉公行實政 鑄開慶錢

三月辛酉雨土 修築江塘 賑滁州水災 四月上試

進士賜周震炎等及第出身有差時公主方選尙丁大全欲

用新進士爲駙馬因命考官私寘震炎爲第一倡太平狀元

之說以媚上震炎草茅士年幾三十矣恭謝日公主於內窺

之不悅事遂寢丁大全敗震炎降第五甲出身 新築黃平

隘賜名鎮遠州戍兵守備以防雲南 王澄提兵入蜀 更

蜀戍兵增蜀戍兵券 賞龍州守城築功 詔蜀許便宜行

事 敕廣帥李增伯備廣西行廣郡守賞罰 秋九月韃靼

國憲宗皇帝親帥大軍入蜀勢欲順流東下一軍自大理國
幹腹南來歷邕桂之境南至靜江府廣帥李曾伯閉門自守
一軍渡江圍鄂州時相匿報若罔聞知吳潛涕泣入奏上以
賈似道爲宣撫視師江上 呂文德提兵援蜀蜀人稍安
催蜀漕運 十月丁大全罷吳潛入相 上以賈似道爲右
相荆湖宣撫策應大使進兵援鄂州趙葵爲樞密使江東西
宣撫策應大使屯兵信州遏廣右幹腹之師 北兵陷漣水
軍維揚大震 杜庶除大理卿制置兩淮知揚州上諭庶曰
前守合肥淮右賴以奠安今畀以全淮之寄尤籍聲譽父子
家傳可謂無忝 監察御史饒應子言今之精兵健馬咸在
關外湖南江西地僻兵稀雖老臣宿將可以鎮壓然無兵何

以運掉敵之來當自內托出不當自外趕入上然之 韃兵

破江州瑞州衡州圍潭州邊報轉急都城團結義勇招募新兵築平江紹興慶元城壁議遷都軍器大監兼左司何子舉言於丞相吳潛曰若上行幸時則京城百萬生靈何所依賴必不可遂與俱入見面陳剴切謝皇后亦請留蹕以安人心上乃止 謝枋得率鄧傳二社二千餘人舉義擢兵部架閣

攻斷遼州浮橋呂文德乘風戰勝 向士壁帥潭北兵至

向親帥軍民且戰且守既置飛江軍又募斗弩社朝夕親自

登城慰勞潭城固守斗弩之力居多會南來二哥元帥卒潭

圍先解 北兵至鄂州都統張勝權州事城危在頃刻別本句

首有知字勝登城諭之曰城子已是你底但子女金帛別本皆

在將臺可從彼去北兵退焚燒城外民居歸然一壘未幾高達叩應引兵來似道駐漢陽軍爲聲援而鄂州固守不下

殿司崔彥良援隆興彥良崔福子也以兵三千援隆興時趙葵督視江淮退保隆興閉門自守崔兵至城下不得入邸報北兵至生米市距城三十里彥良渡江迎敵北兵退而保隆興者彥良之功居多十一月下詔罪已求言詔賈似道

移司黃州黃在鄂下流中間乃韃騎往來之衝孫虎臣將精騎七百護送至青草坪候騎自前有兵似道愕曰奈何虎臣匿似道出戰似道歎曰死矣惜不光明俊偉爾旣而韃兵乃老弱部所掠金帛子女而回江西叛將儲再興騎牛先之虎臣擒再興遂入黃州召徐清叟赴闕力辭韃鞬憲宗皇

帝御駕崩於釣魚城下似道乘機遣使約和陰許歲幣兵解而去 潭州捷書至上曰向士壁忠赤可尙下詔褒賞 雪寒犒海道戍兵 出內庫銀緡付宣司支賞費

庚申景定元年春正月何子舉除華文閣待制江淮諸路察訪使 三月三日鄂渚北兵退 夏貴總領舟師五奏捷及

新生洲之捷 命夏貴總領諸將貴資性精悍能夜視工劫

寨累有戰功軍中謂之夏爺爺少時以罪刺雙旗故又謂之

夏旗兒理宗嘗圖其形觀之 白氣如疋練亘天

○諸本並脫練字依

元刻本補催造戰船 蠲放北兵所踐州縣稅 四月韃靼國薛

禪皇帝卽位五月十九日改元中統 兵退行打算法賈似道忌害一時之閩臣故欲以此汚之向士壁守潭城費用委

浙西閩打算趙葵守洪則委建康閩馬光祖打算江閩史巖之淮閩杜庶廣西帥皆受監錢之苦累及妻子徐李杜逮繫獄杜死後追錢猶未已也謝枋得舉民義科降招軍錢給義兵米及行打算枋得曰不可以累趙宣撫也自償萬楮餘無所償乃上書賈相云千金而募徙木將取信於市人二卵而棄千城豈可聞於鄰國乃得免焉 賈似道入朝以右相兼

太子太師 賈似道入相理宗之季官以賄成宦官外戚用事似道爲相年深逐巨璫董宋臣李忠輔勒戚畹歸班不得任監司郡守百官守法門客子弟斂迹不敢干政人頗稱其能然天資奸險邪詖置綠櫃招人告訐立七司法苛密煩碎議者不以爲便 賈似道奏使守令暗收舊楮乃撥見會收

幣會 招捕浙西鹽子 詔陞巢縣爲鎮巢軍使 建寧府

產嘉禾于建陽改嘉禾縣 李松壽犯淮安 廣太學進取

之法 錄用恬退消奔競 蠲放北兵所踐州縣稅 禁獻

羨餘 修京城 鑄景定元寶錢 呂文德制置荆湖知鄂

州 李庭芝安撫兩淮 圖復漣水 瀘州漣水之捷 北

使郝經來尋盟先是賈似道出師陰許北朝歲幣大兵退自

詭有再造功諱言前事拘留于真州不遣 七月貶吳潛建

昌軍尋徙潮州潛爲人豪雋其弟兄亦無不閑麗

間本朝有讒於上者曰外間童謠云大蜈蚣小蜈蚣盡是人

本改間業毒蟲黃絲蟬附有百尺若使飛天能食龍此語旣聞惑

不可解而用之不堅亦以此也 上以寧宗正史未畢令陳

宜中等修撰

免蜀郡聖節銀

八月兩淮制置李庭芝奏

李全子璫歸國

丁大全謫貴州大全鎮江人藍色鬼貌小

官時爲戚里婢媼黃緣以取寵位事內侍盧允升董宋臣上信任之擢監察御史遷正言在臺橫甚引臺小人沈翥方大猷爲羽翼輒登相位北兵渡江大全匿報幾誤國事遂罷相尋謫貴州與州將游翁明失色孟酒間游誣告丁相有異謀陰造弓矢將通蠻爲不軌朱禕孫以聞於朝加竄新州土牢拘管日具存亡由遣將官護送舟過藤州擠之於水而死十月以弟嗣榮王與芮之子祺爲皇太子封忠王賜名禕納妃全氏全氏乃理宗母慈憲夫人姪孫女度宗爲忠王時議納妃丁相大全議聘知臨安府顧富女從己未己納聘而謝

后意不悅又會有江上之警乃緩其事至是改聘全昭孫女
全氏爲妃 竄方大猷于嶺南斬丁大全強幹高儔 夔路

奏捷

上言廣西宜預防

○別本下有字

辛酉景定二年春正月癸亥朔申飭百官盡言 京湖制司

言呂文德報發勘正張子光張定國龐伸周仲張善張先以
蒲擇之黨從在任賊狀繁夥賊船造橋不調援兵攻擊設意
降北乞明正典刑乃詔子光定國追毀除名龐伸等四人並
流斷 七月辛未月犯斗 上曰米舟雖至價猶未平似道

奏已將豐儲米五萬石賑糶又借本市糶以平其直 上曰

外郡楮幣如何似道奏乞詔諸路稅賦現錢許用各處楮幣

照例折納起解

○閣本附照

本

諸州縣奉行不虔重寘于罰

上曰借糧之風未戢可申嚴懲治以警其餘似道奏此事當恩威並舉已講明賑卹之政又令團結保伍俾富者資給之苟復不悛當懲其無良者 壬午陳韓薨輟視朝諡忠肅

吳潛責授化州團練使循州安置 詔賜呂文德方團一字

金帶 八月詔令戶部嚴州縣增收租米斛面之弊 癸巳

以久雨出封椿庫楮上二十萬賑三衙諸軍豐儲倉米濟都

民 上曰蜀事可慮似道奏俞興攻取瀘城壞於垂得臣累

疏自請一行或可上寬憂顧

別本
上作以

上曰廊廟事體至重豈

宜輕動又奏若文德入蜀則荆湖與江南西關繫尤重臣不

容不往上又曰此未可輕 奪向士壁從官恩數令臨安府

追究侵盜掩匿情節從侍御史孫附鳳之言也士壁帥長沙

北兵已圍鄂岳方措置間皮泉淥家居訪之間所以爲城守
之計士壁曰正爲眼中無可用之人皮恚之北兵退皮入朝
百計毀短似道忌其成功竟坐遷謫至今邦人言之有垂涕
者 賜皇女周國公主第于安濟橋 江萬里除端明殿大

學士同簽書樞密院事兼太子賓客 浙右水滂令朝臣分

往各郡商推出粟勸分蠲租賦招勇壯爲軍凡救荒之政可

速舉行 詔詞學科照嘉熙二年例 申嚴謬舉改官之罰

孫虎臣鄧州之寇 夏竦知淮安兼安撫賜金幣田

別本作

等

北使來

上幸太學陞義秩呂祖謙從祀夫子廟庭

朱禩孫獻捷

壬戌景定三年春楊棟知貢舉

徐涇孫等爲殿試官

詔

三學免解一次 朱禪孫申創南城書院 四月上試進士

賜方山京等及第出身有差 太學生陳宜中等六人並賜

廷對 李璵以漣海四州來歸授壇保信武寧軍節度使督

視京東河北等路車馬齎郡王復其父李全官爵璵在北朝

授以行臺都督之任及己未退師之後薛禪皇帝北歸璵獨

不至其子居簡給事宮中婿居相府私相逗引不告而去及

濟南等處修築城壁開本別本別差軍把隘又殺達達軍人遂

叛歸南 賈似道爲相欲行富國強兵之策時劉良貴爲都

曹繼尹天府吳勢卿餉淮東入爲浙漕遂交贊公田之事殿

院陳堯道正言曹孝慶迎合似道之意合奏限田之法自昔

有之置官戶踰限之田覈歸併飛走之弊

別本嚴作嚴

回買官田

可得一千萬畝每歲則有六七百萬之入其於軍餉沛然有

餘可免和糴可以餉軍可以住造楮幣

別本住作停

可平物價可

安富室一事行而五利興實爲無窮之利上然之似道欲用
劉良貴吳勢卿專任公田時勢卿已死乃以良貴爲提領陳
豈爲檢閱官以副之良貴請下都省嚴立賞罰究歸併之弊
上曰永免和糴無如買逾限之田爲良法然東作方興權俟
秋成續議施行似道憤然求去上曰買田永免和糴自然良
法美意要當始於浙西視諸路爲則也所在利病各有不同
行移難於一律可令三省照此施行似道內引入劄力言
其便上從其言三省奉行惟謹似道遂以自己浙西萬畝爲
公田倡嗣榮王繼之趙立奎自陳投賣自是朝野無敢言者

獨禮部尙書徐涇孫疏言買田之害以言不行乞致仕公田
初議以官品逾限田外買官田猶有抑強嫉富之意繼而敷
派除二百畝以下者免餘各買三分之一其後雖百畝之家
亦不免立價以租一石者償十八界會四十楮不及者減買
數稍多則銀絹各半又多則以度牒告身准直登仕別本有郎字
三千楮將仕千楮許赴漕試校尉萬楮承信萬五千楮承節
二萬楮則理爲進納安人四千楮孺人二千楮 督催公田
以府丞陳訐往湖秀以將作丞廖邦傑往常潤六郡有專官
平江則包恢成公策嘉興則潘暉李補焦煥炎安吉則謝奕
趙與訐王唐珪馬元演常州則洪璣劉子庚鎮江則章炯郭
夢熊江陰則楊班黃伸並俟竣事各轉一官選人減一削守

臣並以主管公田繫銜 提領劉良貴劾奏嘉興宰葉慙佐

以不卽奉行之罪又劾長洲宰何九齡追毀出身永不收叙

以不合出給官田令田主抱納失田業相離之初意 五月

公田以江陰軍平江府隸浙西憲司安吉嘉興隸兩浙運司

常州鎮江隸總所每歲秋租輸之官倉特與減饒二分或水

旱則別議放數遂立四分司王大呂平江方夢玉嘉興董楷

安吉黃震鎮江常州江陰三郡初以選人爲之任滿則理爲

入班州縣鄉都則分差莊官以富饒者充應兩年一替每鄉

創官莊一所每租一石明減二斗不許多收其間毗陵澄江

一時迎合止欲買數之多

○別本止作且

凡六七斗者皆作一石及

收租之際元額有虧則取足於田主以爲無窮之害或內有

申貶死以塞外議 獎諭馬光祖城安慶功 定御史臺覆

試之制 夏貴蘄縣之捷 蝗蝻得雨不爲災 蠲四川鹽

酤權利三年 申嚴僞會賞罰之令 詔兩海不可不守

詔州縣稅許用各處楮價折納 詔提刑劾所部州縣違戾

安南國進貢禮物 蠲臨安府稅平物價 十月知院徐

清叟薨贈少師謚忠簡 給諸軍雪寒錢 京城大飢馬光

祖尹京知榮王府積粟一日往見辭以故次日往亦如之三

日又往臥於客次榮王不得已見焉馬厲聲云天下誰不知

儲君爲大王子今民飢欲死

○別本飢作餓

大王不以此時收人心

乎王以廩虛爲辭光祖探懷出片紙曰某倉幾十萬王辭塞

遂詐三十萬石光祖卽令都吏領鈞批交米活飢民甚衆

癸亥景定四年春正月元旦詔舉所知 詔呂師夔閱視營

屋招募新軍 詔褒呂文德浚築四州城池 成都奏藝祖

皇帝廟側一合抱木久已仆地今歲夏五忽立起而生三芽

上製詩以賜羣臣 發福建義倉賑糶貧民 申嚴鈺銷僞

造 呂文德獻羨財 蠲紹興延燎居民賃錢 以包恢簽

書樞密院事恢學師朱陸以道德儀表當世 諸本表作立
依元刻本改

性疾惡所至戢姦禁暴有政聲尤善平寇平江前爲海寇擾

命恢往平之時行公田恢奉行稍過頗違公論 瀘州太守

劉整叛先是北兵渡江止遷蹕之議者吳潛也盡守城之力

者向士壁也奏斷橋之功者曹世雄其一而整次之似道功

賞不明殺潛殺士壁殺世雄整懼禍及已遂有叛意會鄭興

爲蜀帥而瀘州乃其屬郡興守嘉定時被兵整自瀘州赴援興不送迎亦不宴犒興遣吏以羊酒餽之整怒杖吏百而去

興有宿恨

○別本作憾

乃遣吏至瀘州打算軍前錢糧整懼賂以

金瓶興不受復至江陵求興母書囑之亦不納整懼以城降北及北軍壓境整集官吏喻以故曰爲南者立東廡爲北者立西廡官吏皆西立惟戶曹東立殺之與西立二十七人歸北呂文德復瀘州文德號黑炭團整叛遂獻言曰南人惟恃一黑炭團可以利誘也乃遣使獻玉帶於文德求置摧塲於襄城外文德許之使曰南人無信安豐等處摧塲每爲盜所掠願築土墻以護貨物文德不許使辭去或謂文德摧塲成我之利也且可因以通和好文德以爲然追使者不及矣

既而使者至復申前說文德遂許焉爲請于朝開墮場於樊城外築土墻於鹿門山外通互市內築堡文煥知被欺凡兩申制置司爲親吏陳文彬匿之北人又於白鶴城增築第二堡文煥再申方達文德大驚頓足曰誤朝廷者我也卽自請赴援會病卒

甲子景定五年

冬十月改咸淳元年

元旦詔崇經術考德行

造金銀

見錢關子以一準十八界會之三出奉宸庫珍寶

別本收作寶

收

弊楮廢十七界不用其關子之制上黑印如西字中紅印三相連如目字下兩傍各一小長黑印宛然一賈字也關子行物價頓踊詔舉內外官堪充監司郡守者二月辛未雨

土行都大火

詔貢舉尙純厚收淳雅

戒飭百司

別本作

官盡公守法 蠲臨安府征三月 申嚴戒飭臧吏之制

詔秋闈嚴僞手之防 禁戢國子冒試鬻牒之弊 出會賧

軍民及犒宿衛 豁除義倉陳腐 邊郡椿積三年軍餉

却安南國進貢 謝堅寇至不禦禡職降官 秋七月甲戌

彗星出柳芒角燭天長十數丈自四更從東方見

○別本從作後

日

高方敏如是者月餘楊棟謂是蚩尤旗非彗也遭論去國

己卯丞相賈似道參政楊棟同知葉夢鼎僉書姚希得奏事

上曰彗出於柳朕彰不德夙夜疚心惟切危懼宰臣奏陛下

勤於求治有年于茲寧有闕失實臣等輔政無狀所致上貽

聖憂臣見具疏乞罷免庶可以上弭天災上曰正當相與補

救闕失上回天意 臺臣交章言星變災異皆公田不便民

間愁嘆不平之所致乞罷公田以荅天意似道力辨人言丐
辭相位上曰言事易任事難自古然也使公田之說不可行
則卿建議之始朕已沮之矣惟其上可免朝廷造楮之費下
可免浙西和糴之擾公私兼濟所以決意命公行之

○原本
決作舉

依閣本
別本改

今業已成矣一歲之軍餉仰給於此若遽因人言

而罷之雖可以快一時之異議如國計何如軍餉何卿旣任
事亦當任怨禮義不愆何卹人言

○別本作何
卿乎人言

卿宜安心毋

孤朕倚毗之意自此公論頓沮矣

劉良貴以人言籍籍遂

陳括田之勞乞從罷免不允

謝枋得校文宣城及建康漕

闡發策凡十問言權奸誤國趙氏必亡忤似道貶興國軍時
馮夢得知信州卹其家枋得聽其自赴貶所三年遇赦得還

似道奇其才欲牢籠之使余安裕諭意枋得不肯阿附賈敗
爲江東制置募兵援饒州戰于安仁敗績又敗于信州軍潰
弃家入閩程御史文海留承旨夢炎交薦力辭不就至元戊
子魏參政天祐執拘北行不食而死 冬十月上崩在位四

十一年壽六十一

○別本
有歲字

上初名與莒福州古田縣宗室父

爲山陰尉縣人全氏以女妻之遂爲越人生理宗資貌龐厚
號爲烏太保寧宗先以濟王爲皇太子嘗謂史彌遠出入禁
闥專權弗善彌遠聞之懼陰謀代之囑其客余天錫余以二
宗子告卽理宗及福王也史請以來自牖間密視之自旦至
暮○別本
且作早福王不能堪理宗凝然無忤容史出延以飯理宗
不顧食之盡史以爲有德量立爲沂靖惠王後甯宗崩史矯

詔廢濟王立理宗端平初厲精爲治信向真魏號端平爲元祐在位久嬖寵浸盛宮中排當頻數倡伎傀儡得入應奉端平之政衰矣上自臨御以終始崇獎周程張朱義理之學故得廟號曰理陵曰穆陵御書閣曰顯文殿曰章熙皇子忠王卽皇帝位尊謝皇后曰壽和聖福皇太后宮曰慈福詔以明年改爲咸淳元年賈似道爲山陵使自上卽位辭相印歸越州太后兄謝奕封郡王姪堂璽堂皆節度使

宋季三朝政要卷三終

宋季三朝政要卷四

度宗

乙丑咸淳元年春詔郡國長吏勸課農桑 錄先儒後除徐直方爲史館校勘直方之父元杰爲史相所毒直方以是不肯出仕時人高之至是有除 榮王與芮進封福王黃氏封隆國夫人上卽位稱皇叔賜詔書不名 上以諒陰命宰臣類試阮登炳以下依廷試例出身 命儒臣日侍經筵 賈似道再入相 上卽位察知巴陵之事非其本心贈太師保靜鎮潼軍節度使濟王封鎮王賜諡昭肅 上幸太學陞邵雍司馬光從祀 參政皮龍榮上東宮舊僚也居潭州知似道忌之杜門不預人事一日上偶問龍榮安在似道恐其再

相時李雷應憲湖南陰諷雷應劾之雷應至潭訪龍榮龍榮托故不出既退以小鬼斥之或以語雷應雷應不能平遂疏其貪利營私之罪又謂每對人言有吾擁至尊於膝上之語蓋龍榮曾爲東宮官也有旨謫衡州衡州乃雷應治所皮懼自酖死 冬十月飭諸路帥臣儆邊備 丙寅咸淳二年春詔舉廉吏 陞泗水侯從祀 臨安府士人葉李蕭至等上書詆似道專權害民誤國似道怒嗾林德夫告李等泥金飾齋扁不法京尹劉良貴以聞加李等罪黜竄遠州 以季可爲察院賈相當國益忌臺諫言事悉用庸懦易制者爲之彈劾不敢自由惟取遠州太守及州縣小官毛舉細過應故事而已 謝方叔罷相歸豫章一日以琴一張丹藥一爐獻上

蓋以舊學故也賈似道疑其有觀望再相之意令全臺劾之
以爲不當誘人主爲聲色之好欲謫遠郡賴呂文德以已官
職贖丞相之罪遂得免論者曰專權忌能賈固不能無罪居
閑貢獻謝亦有以取之也 襄陽自開互市以來北兵因互
市築城置堡江心起萬人臺立撒星橋以遏南兵之援乙丑
丙寅年間時出師哨掠襄樊城外兵威漸振未幾文德死而
以文煥代守襄陽

丁卯咸淳三年春詔貢舉以識治體爲先 封曾參邠國公
孔伋沂國公配享先聖顓孫師封陳國公升十哲之位 賈
似道平章軍國重事魏國公葉夢鼎爲右丞相時似道專政
夢鼎充位而已似道一月三赴經筵三日一朝赴中書堂治

事上初政一委大臣似道益自專上稱之曰師臣通國稱之
曰師相曰元老居西湖葛嶺賜第五日一乘湖船入朝不赴
都堂治事吏抱文書就第呈署宰執書紙尾而已朝夕謀議
內則館客廖瑩中外則堂吏翁應龍凡臺諫彈劾諸司薦辟
舉削及京尹浙漕處斷公事非關白不敢自擅在朝之士忤
意者輒斥去 趙葵上疏告老還鄉冬十月卒

戊辰咸淳四年閏正月初六天明大風雷雨居民屋瓦皆動
日午楊美人降生皇子 北兵圍襄陽呂文煥告急乃遣高
達范文虎赴援北兵於要害處連珠劄寨圍數十里不得通
達與文虎亦不用命 賈似道請出督而陰又嗾臺臣以留
之實無意於出也 冬十月朔日蝕是日不視事夫人俞氏

降生太子 三學士人上書乞調諸路兵併力救襄不報

賜武夷書院額仍設山長一員 汪立信以書抵賈似道別

本抵陳三策一謂內地何所用乎多兵宜盡抽之以過江可作投

得六十萬百里或二百里置一屯皆設都統七千里江面纔

三四十屯設兩大藩府以總攝運掉之緩急上下流相應必

無能破吾聯絡之勢者久之日益進亦可二謂久拘使者在

京湖何不議遣使偕行陷以厚利緩其師期年歲間我江外

之蕃垣成氣象固江南之生兵益增矣三謂兩說不可行惟

有準備投拜其意蓋以激賈行第二策也賈得書大怒曰瞎

賊敢爾妄語迄諷臺諫罷之立信歸金陵不數月北師渡江

九江以下皆失守乃以端明招討起公則已無席地矣立信

過淮時賈相出督相遇拊立信背而哭曰端明端明似道不用公言遂至此立信對云平章平章瞎賊今日更說一句不得今江南無一寸乾淨地立信去尋一片趙家土上死也要死得分明後抵高郵伯顏丞相聞其名欲迎取之立信得報拊案大哭曰吾猶幸得在趙家地上死也竟大慟而絕時高郵未歸附云 上試進士賜陳文龍以下及第出身有差文龍元名子龍唱第日賜今名 李瓊登第自念祿不及親援淳熙王昂紹熙李僑嘉定史公亮史天應納祿封父母故事以其官回授其父乃掛冠而歸 十一月皇后全氏降生皇子羣臣稱賀 寶武妖寇數千人破祁陽縣羅廷諫殲其首餘出降

己巳咸淳五年春詔舉人才 葉夢鼎辭位不允徑去 上

在經筵令儒臣講周易 江萬里左相馬庭鸞右相輪日知

印 禁珠翠都人以碾玉爲首飾宮中簪琉璃花都下人爭

效之時有詩云京城禁珠翠天下盡琉璃識者以爲流離之

兆 明堂大赦 北兵哨濠州 常州雞翼生距

庚午咸淳六年春詔貢舉精於擇人爲先 江萬里請援兵

救襄似道不荅竟以議事不合乃罷去 詔諸帥闔舉堪將

材者各二人 馮夢得中書舍人請置士籍時賈相患舉人

猥衆御史陳伯大請置士籍開具鄉貫姓名年甲三代所習

經賦娶妻姓氏令士人書之鄉鄰着押保結於科舉條制並

無違礙方許納卷議者謂士而有籍與禁何異又嚴後省覆

試法比校中省舉人元卷字蹤互異者黜之覆試之日露索懷挾辛未榜李鈞孫者少時戲雕摩喉羅於股間懼搜者之見蒙紙其上搜者視之駭曰此文身者事間被黜當此邊事危急之際束手無策而以科舉苦舉子何其繆耶 上一日問似道曰襄陽之圍三年矣柰何對曰北兵已退去陛下得臣下何人之言上曰適有女嬪言之似道詰問其人無何以他事賜死自是邊事無人敢對上言者

辛未咸淳七年上試進士賜張鎮孫以下及第出身有差國朝廷試始於開寶癸酉終於咸淳辛未廷試之日天必開霽是歲大雨如注天不言以象示之而已 趙嗣憲登第乞援李璿等乞回本身官致仕恩例封贈父母上從之 陳仲微

爲侍左郎官以言事切直罷王唐珪爲司農簿以輪對言天下守令不得人忤似道罷淮西制置司申襄圍不解乞調兵增戍催造戰船以備江面是歲韃靼國建國號曰大元取易經乾元之義以明資始之功冬出師哨掠淮甸邊報愈急似道占湖山之勝作半閑堂延羽流塑已像其中內殖貨利蠱聲色寵妾葉氏本淑妃閣宮人也潘氏倪氏妓也取而有之令陳振譚王趙與柵等廣收奇器異寶聞余玠有玉帶發塚取之劉震孫有玉鈎桶本安丙家物不獻罷去建多寶閣日一登玩其間門客朝士稱功頌德頌說太平誇咸淳爲元祐尊似道曰周公諛言溢耳不復加意邊事

壬申咸淳八年春詔舉廉律貪馬庭鸞罷相葉夢鼎再相

夏五月張順張貴赴援襄陽襄樊自丁卯以來被圍日久
生兵日增旣築鹿門之役水陸之防日密築白河虎頭及思
關以鍵出入之道自是孤城閉守者凡四五歲援兵往往扼
關不克進所幸城中有宿儲可支所乏者鹽薪布帛爾張漢
英守樊城募善泅者寘蠟書於髻中藏積草下浮水而出謂
鹿門旣築勢須自荆郢救援旣至隘口守者見積草多鈎致
欲爲焚費用遂爲所得於是郢鄧之道復絕矣旣而荆闔移
屯郢州而諸帥重兵皆駐新郢及均州河口以扼要津又重
賞募屯士得三千人皆襄郢山西民兵之驍悍善戰者求將
難其人得民兵部轄張順張貴軍號張貴爲矮張所謂大張
都統小張都統者其智勇爲諸軍所服先於均州上流各水

中立便寨造水哨輕舟百艘每艘三十人鹽袋布二百且令
之曰此行有死而已至是溪水方生於二十三日稍進園山
下越二日又進高頭港口結方陣各船置火槍火炮熾炭巨
斧夜漏下三刻起船出江以紅燈爲號貴先登順爲殿乘風
破浪輕犯重圍至洪磨灘以上敵舟布滿江面無罅可入鼓
勇乘銳風斷鐵綆攢筏數百屯衆皆披靡以避其鋒轉戰一
百二十餘里二十五日黎明抵襄城城中絕援久救至大喜
及收軍點視乃失張順軍中爲之短氣數日

○原作月
依別本改

有浮

屍而上

○而上下似有
脫字諸本並同

被甲冑執弓矢者乃張順也 九月

祀明堂賈似道爲大禮使駕幸景靈宮回宿太廟質明有司
奏申嚴外辨請升玉輅大雨如注胡貴嬪之兄帶御器械胡

顯祖檢討開禧登輅遇雨乘逍遙子故事面奏上白賈賈欲
俟雨止登輅顯祖回奏平章已允上遂冒雨乘逍遙子直入
和寧門百官愕然莫知所以禮成肆赦似道奏臣充大禮使
而陛下舉動不得預聞乞罷政卽出嘉會門三降御筆勉留
乃還朝鐫罷胡顯祖出胡貴嬪爲尼上爲之泣下

癸酉咸淳几年春正月詔舉士以明體適用之學 平地產

白毛臨安尤多如銀線采以相饋但挺直爾或者謂白胄白
祥之類是也 葉夢鼎罷相 二月大元破樊城下襄陽文

煥捍禦應酬備殫甚力

別本甚作其

糧食雖可支吾而衣裝薪葛

斷絕不至文煥徹屋爲薪緝關爲衣每一巡城南望慟哭城
破遂以城降文煥獨守孤城似道坐視而不救降於六年之

後豈得已哉

御史陳伯大奏言科場弊倖百出有發解還

省而筆跡不同者有冒已死人解帖免舉者請今後應舉及

免舉人各於所屬州縣給歷一道親書歷首將來赴舉過省

參對筆跡異同以防僞濫

賈似道奏自襄樊敗後累章乞

出視師

○別本累作屢

而陛下不許臣出今事勢如此非臣上下馳

驅聯絡氣勢作急奔赴則大可慮者上曰師相不可一日離

左右似道陽請出督陰諷朝廷留行但於中書省置機速房

苟且條邊瑣而已

文天祥知贛州兼江西提刑

樊城陷

牛皐范大順張漢英死之

甲戌咸淳十年正月己卯朔永新有氣如虹蜺自東門江中

起橫貫一邑須臾變作錦紋狀遮蓋四門

省試士人各給

一號書就省人姓名印押如衛士直入宮門之狀於門下兩處辨驗 不許登仕免舉至乙亥仍許登仕免舉 賈似道丁母憂歸越治喪 陳宜中簽書樞密院 詔賈似道起復秋七月上崩上自爲皇太子時以好內聞旣立耽於酒色賈似道以策立功制國命上拱手而已初理宗議建東宮夢若有人告曰此十年太平天子上卽位至崩正十年壽三十五上廟號曰度宗上崩議立長益王昀宰相請立嫡遂以長子昀卽位太皇太后垂簾聽政改明年爲德祐元年 是歲殿試度宗以疾未及臨軒而崩上諒陰類試王龍澤等比廷試賜出身策問求賢時似道方惡言者吉州胡幼黃以含和吐氣爲說而榜第三士論恥之 冬詔天下勤王 九月大

元丞相伯顏大會兵于襄樊丁亥沿漢江而下前後延袤旗
幟數百里水陸並進用我降人爲向导呂文煥等舟師出襄
陽劉整等騎兵出淮泗萬戶武顯等前鋒襲郢州至灤水時
值雨淋漲溢無舟可渡遂駐兵于灤水之濱伯顏大軍繼至
武顯趨迎馬首告曰灤水泛溢軍馬懼其漂沒以故待之伯
顏曰此水小不敢渡敢渡大江耶竚鴈軍中召一壯士負甲
使渡水而軍馬長驅悉渡遂至郢州軍於郢城之西郢城在
西北岸以石爲之高接山形矢石莫能近新城在江水中密
樹椿木以絕舟楫往來下流黃家原置城守禦備具攻之不
下郢人堅守以戰船橫絕江面不得度文煥觀郢之形勢其
黃家原堡西有溝渠深闊數丈霖雨月餘其水漲溢南通一

湖至江甚近可令戰艦平達大江

○閩本別本平並作直

以避郢軍伯

顏諸將告曰郢城乃我之喉襟今不取而過後爲歸路患伯顏不聽忽報黃家原堡已剋而分兵圍郢不能下伯顏遣兵治平江堰破竹爲席地盪舟而過郢城遂入漢江自陸地牽舟迂行凡百餘里然後至水十一月戊子伯顏大軍發郢城阿朮及諸將帥不滿百騎殿後而進郢州都統趙文義帥精兵數千騎追之伯顏阿朮回渡迎敵文義凡二十餘戰久而敗績文義死之伯顏舟師忽自上而下遂至沙洋守將串樓王等堅壁不降伯顏軍中有相士李國用者能祭風風遂大起伯顏令砲手張元帥順風以火炮攻之煙焰燎天俄而城陷守將串樓王爲其所獲伯顏大軍由沙洋五里地遂至新

城伯顏令其軍衆以沙洋殺戮軍人首級列于城下執縛沙

洋將串樓王等四人望城呼曰邊都統宜速歸降如其不然

禍在目前

○別本在上
有卽字

都統邊居誼堅壁不降伯顏累遣人招

諭居誼索文煥來打話

文煥乘騎至城下城上萬矢如雨

○原

本萬作弓
依別本改

文煥中其右臂拒城避之居誼率所部三千人盡

力死戰竟無一人歸附

伯顏大兵至復州誘守臣翟貴曰

汝曹知幾而降有官者仍居其官吏民安堵如故衣冠仍舊

市肆不易秋毫無犯關會銅錢依例行用安撫翟貴以城降

伯顏大會諸將議渡江事遣總管劉深千戶馬福觀沙湖

水勢令諸將皆趨漢口渡江諸將以漢江水急且有守禦伯

顏不聽徑過淪河蔡店去漢口甚近是日圍漢陽軍取漢口

渡江夏貴併力守禦伯顏軍夜回淪河

太皇有旨國步多

艱沿江清野應三學及京學流寓遊學士人權與放散各令
逐便 十二月辛亥伯顏自漢口開壩引船入輪河轉至沙
武口達于大江壬子伯顏以戰艦相尾而至夏貴帥漢鄂州
師上流迎敵夜襲北營不克而還沙武口南岸防禦甚至伯
顏遂趨陽羅堡 癸丑夏貴以戰艦數千列于大江之下橫
其江面伯顏軍不敢近乃遣人招諭諸將僉言我輩累受大
宋重恩政當戮力死圖報功此其時也安有叛逆歸降之理
備吾甲兵決之今日我宋之天下賭博孤注輸贏在此一擲
爾伯顏進兵攻陽羅堡城竟日不克伯顏與阿朮謀謂宋將
之心謂我必拔此陽羅堡可以渡江況此堡堅攻之不克若

今夜合汝以鐵騎三千汎舟沂流而上趨視其陣料彼上流雖有溝而不堅當爲擣虛之計以來日詰旦且渡江襲南岸是夜阿朮統軍遂行於上流二十里泊於青山磯中夜帥舟戰於江中已登南岸伯顏乃遣兵攻陽羅堡以舟師直衝我軍大戰江中夏貴敗績順流而下沿西南岸放火歸廬州是時其心已無國矣守將閩池王都統與所部八千人死戰中流矢而死陽羅堡乃江鄂屏蔽一帶有七伯拗風起則多利北舟欲守江鄂當守此堡此堡旣失則鄂危矣伯顏遣兵自陽羅堡攻鄂州 戊寅下鄂州守臣張宴然降先是李雷奮爲守十月以臺論罷至是無正官張宴然守鄂所恃者朱禩孫之援朱禩孫提重兵至鄂退歸江陵晏然失助鄂遂降矣

夏貴爲江面遊擊策應大使朱禩孫爲宣撫制置使夏貴
與朱禩孫通任長江之責夏歸廬州朱歸荆湖一上一下中
流蕩然全無備禦哀哉 癸巳上以賈似道爲都督軍馬黃
萬石李珣參贊軍事檄召諸路軍馬聽督府調遣於封樁庫
撥金十萬兩銀五十萬兩關子一千萬貫充都督公用時邊
報轉急似道猶未有行意至德祐二年正月劉整死乃議出
師 保康承宣使閻珪獻銀一萬兩充招軍費王侯邸第輸
助軍錢穀有差 天目山崩天目爲杭之主山山崩則王氣
歇矣 歇 關本 關本 歇 辛未度宗皇帝梓宮發引文武百官衰
服出城奉辭靈駕 揚州阮克已糾集民兵義兵三萬勤王
分兵九路會合端明黃萬石屯兵江西侍郎趙潛屯兵金

陵江 開府夏貴屯兵淮西節使咎萬壽屯兵京湖殿帥張
彥廣德招討孫虎臣屯兵采石都統仇子真屯兵宣城練使
張世傑屯兵海道費克恭阮克已屯平江

宋季三朝政要卷四終

宋季三朝政要卷五

少帝

乙亥德祐元年春正月癸酉朔詔求言 張仲微兵部侍郎
修國史 常楙援晉太子申生事乞爲濟王立後不報 大
元國兵順流而下沿江諸將多呂氏部曲望風降附至黃州
陳奕以城降至蘄州管景謨以城降至南康軍葉闡以城降
下江州錢真孫以帥兼守舉城降九江爲江西屏蔽陷則江
西如破竹矣至安慶府范文虎乃呂氏之婿遂以城降 劉
整死初整與文煥分兵南渡及是整無功發憤死於無爲軍
城下 丁亥賈似道出師建督戊子離京城以王鑰爲左丞
相以章鑑爲右丞相陳宜中知樞密院當國小事專決大事

則督府遙制之似道集諸路兵共十三萬金帛輜重舳艫相
銜百餘里由新安池口迂道而行數日始至蕪湖而舒池已
降矣傳者以謂似道護駕入海以致諸郡先降二月戊午似
道遣宋京使軍前請京與北使來要似道自往似道遣阮思
聰火元嘉代行及至思聰同知事不就惶怖失據陰備快船
爲走計辛酉屯丁家洲時大軍大勢衝下南北兩岸立砲座
設划車中流數千艘乘風直進我師不噬諸軍有反噬之意
似道遂許喝轉官資諸軍訴曰要官資做甚己未庚申官資
何在似道不能荅癸亥三鼓孫虎臣告急至似道舟中泣告
曰追兵已迫夏貴亦曰彼衆我寡委難抵當垂泣而去似道
鳴鑼一聲退兵于珠金砂十三萬軍一時潰散督府之印已

失乃奔入揚州 徐直方除右正言 大元國兵破饒州守

臣唐震爲兵所害死於州治之玉芝堂前丞相江萬里寄居
饒州州人皆遁萬里坐守以爲民望兵入其第赴水而死萬
頃自南康來省兄遇兵不屈遂以磔死 破池州趙昂發蜀

人以倖權守兵至與妻子訣其妻曰爾能盡忠吾獨不能爲

忠臣之婦乎寧相從於地下昂發大喜具冠裳大書十六字

於倖廳春臺上曰君不可負臣不可降夫妻俱死節義成雙

遂俱縊而死學有二士哭其屍曰生爲大宋人死爲大宋鬼

何以洗此汚清溪一泓水明日伯顏丞相領兵入城見而憐

之具衣衾葬焉乘勝順流至瓜州揚州都統姜才領兵二萬

○原本脫四字 大戰楊子橋勝負相當生兵益增遂退師入

字依別本補

太平州守臣

○別本州守趙之縉遁

入建康府沿江制置趙縉

遁

○別本此下有兵方入城時六字

察院潘文卿劾縉取行宮公帑金帛棄

城

○別本劾字作按臣二字

建康爲江東重鎮則江東之勢去矣大兵至

建康不進遣哨騎四出

趙淮趙葵子也

○別本有居建康三字

起兵

溧陽

○別本兵下有于字兵敗

○此二字別本作城破被執

不降死之張世傑率

舟師趨金山約殿帥張彥

○別本下有等字

竟不出世傑海舟無風

不能動大元國兵水哨馬往來如飛

○別本作江面水平北兵以水哨馬往來如飛

世傑孤軍無援戰敗

○別本作戰敗于金山

人艘皆沒哀哉

入鎮江

府守臣洪起畏遁

○閣本別本畏並作哀

京口行都第一重門戶而失

之行闕岌岌乎危矣

○原脫此十九字依別本補

統制石祖忠以城降

入寧國府守臣趙與可遁言者謂與可爲宋臣望風奔遁別

本作潰

除名勒停以爲不守封疆之戒

下徽州

韓震議遷

都先是賈似道奏請遷都太皇太后不許及韓震復申前議

左丞相王鎰議堅壁未決求罷不允徑去宗學上書言陛下

移蹕不於慶元則於平江事勢危急則航海幸閩不思我能

往彼亦能往縱使兵或可守豈能鬱鬱求活於一龜茲國邪

今勤王之兵不下二十萬猶堪一戰豈束手待斃而已哉

脫上二十二
字依別本補

三十日

閣本別本
並作已丑日

夜右丞相章鑑遁

三

月壬申韓震謀逼遷蹕陰懷異志

別本作三月壬申朔誅
韓震時震提兵入禁謀刺

遷蹕身爲殿
帥陰懷異志

宜中與客潘希聖

別本議請計事伏甲士擊
作布仁

之別本作伏甲士以步軍指揮使領其衆震部曲百餘人

聞變二字

大閱而出射火箭入大內

別本下有又
以大刀四字

斫嘉

會門宜中遣兵逐之奔建康府 大元國兵至常州守臣趙

汝鑒遁鈴轄戴之泰同士人王良臣以城降

○別本作守臣王宗洙過權守

王良臣以城降

前誤書曰常州守臣王宗洙遁今依奉上司行下備據
常州路儒學勘當王宗洙先於亡宋咸淳年間爲守癸
酉年十二月解任代官趙汝鑒於至元十三年大軍臨
城之時逃匿以州印付戴之泰同士人王良臣迎降其
時王宗洙在任再行以常州路保勘相同今依上改正

○闕本別本並闕此條

知江陰軍趙端道遁 知廣德軍令狐槩降 京師戒嚴朝

臣接踵宵遁北兵已迫畿甸

○原脫上六字依別本補

人情洶洶知臨安

府曾淵子兩浙運副

○別本作兩浙副使皆遁

浙東提舉王霖龍機

政文及翁倪普臺諫潘文卿季可陳過徐卿孫侍從以下陳

堅何夢桂曾希顏等數十人並遁朝中爲之空跡

○原作疏依別本改

朝堂榜云

○別本此下有孟軻謂君視臣如草芥則臣視君如國人又謂諫於其君而不聽去則窮其力而後

止識者猶以爲非君臣之義四十三字

我朝三百餘年待士大夫以禮吾與嗣

君遭家多難爾小大臣未嘗有出一言以救國者吾何負于

汝哉今內而庶僚畔官離次外而守令委印弃城耳目之司

旣不能爲吾糾擊二三執政又不能倡率羣工方且表裏合

謀接踵宵遁平日讀聖賢書自諉謂何乃於此時作此舉措

或偷生田里何面目對人言語他日死亦何以見先帝天命

未改國法尙在可令尙書省別具在朝文武官並與特轉二

資其負國棄予者令御史臺覺察以聞具榜朝堂明吾之意

癸酉陳宜中奏罷浙西公田給還元主

甲戌賈似道罷

平章都督予祠

別本作等職

似道遣翁應龍護都督印歸朝上表

自劾太后有旨令淮東帥李庭芝津遣賈似道歸里終喪似道留維揚不行王鏐奏似道旣不成忠又不死孝乞下切責太后降詔略云卿其亟歸喪次以盡臣子之道當曲示保全否則衆論益甚忠孝靡容吾雖欲屈法伸恩而不可得卿其明聽吾言善始以善終

原脫次善字依別本補閣本無以字

亦有辭於永世

六月似道歸紹興府紹興府閉城不納七月王鏐奏乞正似

道罪臺臣交章言似道喪師誤國之罪乞追竄嶺南方回言

似道奸詐貪淫褊驕吝專忍繆十罪乞賜死乃降三官婺州

居住廖瑩中王庭除名勒停韶州羈管王庭曾淵子並竄雷
州言者不已似道改送建寧居住翁合奏似道以妬賢無比
之林甫輒自托於伊周以不學無術之霍光敢效尤於莽操
其總權罔上賣國召兵專利虐民滔天之罪人人能言臺諫
交章乞行遠竄迫於衆怒僅謫建寧切惟建寧實朱熹講道
之闕里雖三尺童子粗知向方聞似道名且嘔惡唾去況可
見其面如熹釋大學一章曰放惡不遠彼且稔惡所伏之地
其民何罪必以禦魑魅而後已夫與之同中國且不可而可
一日與之同此鄉必放之此鄉此鄉亦獨何罪巷伯惡惡之
詩曰投畀有北有北不受而終曰投畀有昊蓋有北決所不
受則付與昊天惟天得制短長之命爾此則陛下事乞將似

道遠竄深廣以伸國法以謝公論有旨責授高州團練副使
漳州居住下臨安台州簿錄其家似道寓建之開元寺欲俟
秋深入南朝廷遣鄭虎臣監押至則拘似道行李制其出入
節其飲食凌辱百端似道不勝苦舟次南劍黯淡灘虎臣曰
水清甚何不死於此曰太后許我以不死候有詔卽死冬十
月至漳州木綿庵虎臣悉拘其子與妾於別館卽厠上拉其
胸殺之殯於庵側 辛巳張世傑入衛京師內空賴張世傑
一軍萬人自荆湖至世傑本信安歸正人權承宣使宜中疑
世傑易其所部之軍世傑不得以盡其力 陳宜中拜右相
似道出督以宜中受卵翼之恩且柔順易制委以國賈敗宜
中首劾賈罪以自解拜右丞相宜中當國首誅韓震脅遷之

議差強人意然書生不知兵張世傑步將也使提舟師劉師

勇水軍將也使提步卒用非其才卒致誤國 大元潛兵至

平江府

○別本潛作國

守臣潛越友遁

○別本越作說後同

通判胡玉以城降

至安吉州守臣趙與立降江上列城或降或遁無一人堅

守

四月王爚平章軍國重事爚性剛介似道當國獨不阿

附再召入朝累疏乞正賈罪其他無所建明八月力請致仕

尋卒

陳宜中都督軍馬奉旨建督於京檄召諸路軍馬勤

王并令潰軍各歸所部淮東隸李庭芝淮西隸夏貴沿江隸

汪立信京湖四川隸朱禔孫注西隸黃萬石節制團結內外

兵十七萬五千人分廂差寄居官爲總督

○別本作分額差寄若要害爲總督

疑有脫誤

給一兵赴教場教閱

司馬夢求監江陵沙市鎮鎮在

江濱江陵之外城也夢求請築沙市城北兵次沙市鎮統領
程文亮降夢求戰死夢求漢州人溫公五世孫也 大元國

兵至江陵府高達以城降高達京湖名將也已未解圍鄂州
似道許以建節後竟不與達怨望久矣至是爲京湖制置遂
降宣闡不能制城初陷朱禩孫仰藥不得死旣而亦降焉乃
令朱禩孫移文諸路歸附 鼎州澧州常德府壽昌軍並下

○別本軍下有縣字

至湖南圍潭州安撫李芾與大兵戰於醴陵得

捷守城攻之不克 五月太皇太后詔諭呂文煥等轉達軍

前息兵通好 張彥劉師勇復常州王良臣敗走 復廣德

軍○別本下有縣字

徵諸帥入衛夏貴咎萬壽黃萬石並不至呂

文福先於四月間請提兵入衛行人失辭文福自疑亦不至

有司議建藩

○別本下有屏字

以強王室詔以福王與芮判紹興

府浙東安撫大使置長史司馬

六月庚申朔日有食之既

是時天地晦冥咫尺不辨雞犬驚歸

○別本作咫尺不辨人驚雞驚歸疑並有誤

儼如暮夜自已至午其明始復太皇太后下詔求言去聖福

二字用昭警戒恐懼之意

陳宜中左丞相留夢炎右丞相

陳文龍黃鏞簽書樞密院事謝堂鎮撫使家鉉翁知臨安府

文天祥刑部尙書趣赴行在

夏貴淮東制置知揚州朱

渙淮西制置知廬州召李庭芝赴行在夏貴不受代李庭芝

閉門自守

九月祀明堂

文天祥入衛先是四月間天祥

募兵于贛州天祥時爲江西提刑台州杜濬將吉贛千人從

之至是將民兵峒丁

○別本峒丁上有反字

二萬人至京衣裝器械盡

具時宜中去位夢炎獨相意不相樂乃以天祥守吳門除江
浙制置使知平江府張濡守獨松關殺萬戶廉希賢大元
用我叛將王良臣以兵攻常州知府姚訔統制劉師勇王安
節守城不克十月常州告急文天祥遣將尹玉朱華張全
麻士龍赴援戰于五木敗績張全不發一矢尹玉麻士龍死
之尹玉江西將也與良臣戰殺數千人復收殘兵五百與北
兵相持又一夕手殺七八十人遂死麾下無一肯降者朝廷
贈漳州團練使廟食贛州官其二子常州不下士良役城外
居民運土築堡土至并人墮陷其中又殺常州之民數百人
煎膏取油作砲擲於牌杖上以火箭射之其火自發十一月
常州糧盡劉師勇以八騎突圍出奔平江遂破常州屠其城

知州姚訔死之生獲將軍王安節不屈而死訔乃姚希得之

子安節乃節度使王堅之子 十月陳宜中再相團結京城

民丁及招年十五以上者爲軍號武宣軍

別本宣作定

長不滿四

尺觀者寒心宜中本無經綸之才八月以母老爲辭竟回永

嘉忠孝之誼兩無所據九月詔趣入朝至是國事已去不可

爲矣 家鉉翁同簽書樞密院事謝堂知臨安府 賜太學

生張景忠等並出身 瑞州先下遣姚計議來隆興說降劉

槃拒之十一月壬午大元國兵至隆興府劉槃引兵出城累

戰不利乃以城降通判郭君司法朱牧等三十餘人死之

諸

本並脫上十五字依元刻本補下撫州時制置黃萬石問閩撫州聞兵至遁

入閩都統密侑迎敵就擒嚼舌罵聲不絕而死施至道以城

降建昌相繼而下破廣德軍精勇軍總制許貴贛州瑞金人
守建平縣北使說之降曰忠則盡命十一月十一日兵至圍
之數重許貴戰沒贈右武大夫吉州刺史贈田一千畝立廟
二子許巽許震各與承信郎恩澤

諸本並脫上七十
一字依元刻本補

攻平

江府通判王矩之以城降至桐關去杭百里我師敗績獨

松關告急召文天祥入衛天祥自吳門還遣守獨松關時天

祥軍三萬

別本
作十萬

張世傑五萬諸路勤王師猶有四十餘萬

天祥與世傑密議今兩淮堅壁閩廣全城王師與之血戰萬

一得捷則罄兩淮之兵以截其後國事猶可爲也世傑大喜

遂議出師獨宜中沮之曰太后降詔以王師務宜持重爲說

遂止十二月大元伯顏丞相領兵屯平江兵進屯長堰宜

中遣使議和見伯顏於長堰已而不如約故大兵逕至高亭
山宜中蒙蔽外庭而三宮若罔聞知遣使納降表直學士
高應松不肯草詔乃以京局官劉褒然直學士院草之自似
道喪師後至今十餘月國事危急將士離心兵出屢劔朝廷
方且理會科場明堂等事士大夫陳乞差遣士人覬覦恩例
一籌不畫及是束手無措乃議納土求封爲小國

○別本末下有和字

賁降表奉使燕京哀哉詔文天祥罷兵太后詔南北講
和京城內外民兵罷團結柳諤奉降表至高郵軍稽家莊
爲稽聳所殺

丙子德祐二年正月謝堂簽書樞密院事文天祥浙西制置
知臨安府十二日秀王與擇奉皇兄廣王昰皇弟益王昺

出宮航海

張世傑欲護駕入海乃去朝

大元丞相伯顏

領兵進高亭山去城三十里遣使請執政軍前議事

○原本北

依別本改

文天祥請行陳宜中夜遁十九日除文天祥右丞相兼

樞密院天祥辭不拜乃以賈餘慶爲右丞相吳堅爲左丞相

謝堂樞密院家鉉翁參知政事劉岳同知樞密院事侍從交

贊公出天祥曰國事至此吾不得愛身翊日以資政殿大學

士行至高亭山見伯顏丞相天祥抗辭慷慨議論不屈遂留

之不使歸南北兵進屯北關門外呂文煥范文虎九騎入

城謁太皇太后是月鎮巢軍曹旺無爲軍劉權並降二十

日伯顏丞相入臨安府請太皇太后降令太皇降詔江南諸

郡歸附各郡付一省劄吳堅一如賈餘慶之命惟家鉉翁不

書名程雄飛作色欲縛之

○別本作欲縛鉉翁

鉉翁叱曰中書無縛執

政之理遂止

遣使祈請朝廷自十二月至二月信使往來

和議未決北使請宰執親往燕京朝覲乃以吳堅賈餘慶謝

堂家鉉翁劉呂五人詣大都爲祈請使二月初九日賈餘慶

等登舟是日吳堅出北關外送諸相登舟時傳伯顏丞相命

留吳相登舟偕行是日會文天祥於軍前詞氣益壯

初十

謝堂納賂還十一

○別本作二

文天祥自北寨登舟同鐵木兒萬

戶至北廿九日舟次鎮江文天祥乘間逸去三月初一日早

方知文丞相脫閉城三日索之不見收從人幹僕并所差館

伴者囚之閏三月初十日至燕京宿會同館十四日賈餘慶

薨

二月

○別本下有朔字

丙申伯顏丞相傳旨收城軍器

○收下有疑有脫

文

北使請傳國璽以監察御史楊應奎宗丞趙若秀爲押

璽使

丁未索宮女內侍樂官諸色人等宮人守節而死者

甚衆

○別本
人作女

乙卯北使請三宮北遷丁巳宋少帝全太后

出宮太皇太后以疾留大內隆國夫人黃氏朱美人王夫人

以下百餘人從行福王與芮參政謝堂高應余

○別本
作菜

駙馬

都尉楊鎮臺諫阮登炳鄒珙陳秀伯

○元刻本作
郭珙陳春伯

知臨安府

翁仲德等以下數千人太學宗學生數百人皆在遣中三宮

過真州苗再成奪駕幾奪去閏三月廿四日至燕京吳堅等

出迎居會同館四月己丑朔吳堅等先赴上都十五三宮赴

上都丁巳沂王薨五月丙申見大元皇帝於行宮焉

太皇

太后臥病主者自宮中舁其牀以出衛者七十人從行八月

乃行降封爲壽春郡夫人至燕七年而崩 全皇后爲尼於

正智寺 少帝降封瀛國公 臨江軍陷權守滕岩瞻遁

潭州陷李芾守潭竭力備禦凡八九月其間出戰屢捷而大

兵之攻日增芾不能支是歲正月城破芾命積薪樓下於是

攜家人盡登樓大宴

○別本樓下有上字

積金銀于兩畔芾與館客坐

中其餘列坐左右酒半酣命喚二劊子來旣至則令將此金

銀去與你家口

○別本作則令將金帛盡與你家口

取法刀來一不肯受一會

意徑受之攜去分付家人畢須臾將法刀至芾呼之至前分

付先從頭殺入到尾殺我待我點頭時下手復飲酒良久點

頭惟館賓與一妾墜樓而走妾折一足最後李帥伸頸受刃

此劊子遂四面放火自剗其腹而死從死者七十餘人劊子

姓沈名忠亦可謂烈丈夫矣 尹穀潭州人除知衡州未之

任潭州陷自火其廬舉家赴火死 宋都萬元帥別本至

江西沿江諸州郡以城降 循浙東至嚴州知州方回降

至處州知州梁信降衢婺等州並下 夏貴馳入燕京獻淮

西諸郡貴既失長江惟恐督府有成罪無所逃又恐孫虎臣

以後進爲將有功總統出已上別本日夜幸其敗覆督府

既潰貴歸廬州不出朝廷屢詔不出若罔聞知國亡乃以淮

西全境歸附爲已功焉 李庭芝守揚州廣王登極除庭芝

以爲右相棄揚州引兵徑出至泰州欲航海至海州大兵追

及阿朮元帥斬於軍前朱煥以揚州城獻姜才死之才淮之

猛將前後出師屢收大功乙亥春戰于瓜州不利丙子二月

太后差人

○別本無人字

吳忠翊孫通直領北兵數千至揚州行至

揚子橋砲聲連發繼至城下一砲震天城上旌旗雲擁軍馬屯集放剗車弩箭如雨再一砲響雲氣四合冷風大作驟雨隨至遂回三月三日三宮過揚州才統軍數千奪駕繼以兵馬相拒而退初四日才出揚州北門領兵擁出分陣殺奪交傷不少波羅相公親臨陣大戰方退才意欲奪駕不知乃諸將之過北也至八月○別本八作六大軍圍揚州大戰之日才身生九疽不可掛甲遂敗被執臨刑含血罵聲不絕而死苗再成守真州部將有趙孟錦者爲將領北軍攻真州每戰輒先士卒苗再成倚之嘗乘大霧襲北營霧解北軍見其兵少逐之登舟失足墮水甲重遂溺城破再成死之泰州陷孫虎

臣弟良臣降虎臣死之通州相繼而陷 建德府陷方回降
大元改臨安府爲杭州

宋季三朝政要卷五終

宋季三朝政要附錄卷六

廣王本末

陳仲微咸淳爲侍左郎官以言事切直罷乙亥除兵部侍郎修國史丙子從二王入廣日擊當時之事逐日抄錄崖山敗流落安南臨歿有詩曰死爲異國他鄉鬼生是江南直諫臣安南國主以詩挽之曰痛哭江南老鉅卿春風搵淚爲傷情無端天上編年月不管人間有死生萬疊白雲遮故國一堆黃壤覆香名回天力量隨流水流水灘頭共不平壬午歲安南國使入覲因言仲微之事而得仲微所著二王首末重加編次以廣其傳

丙子正月戊寅廣王益王航海 二月廣王益王由海道趨

温州二王駐温州之江心寺蘇劉義陸秀夫來會時陳宜中
海船泊清澳門諸人往見之共議興復張世傑自定海至同
趨三山三月甲戌二王至福州宣太皇太后手詔廣王是
爲天下兵馬都元帥益王昺爲副元帥檄召天下諸路忠義
同獎王室五月一日廣王登極于福州升福州爲福安府
改威武軍爲行都之門大都督府爲垂拱殿便廳爲延和殿
詔改元以德祐二年爲景炎元年遙上尊號太皇太后
曰聖壽和福至仁太皇太后全太后曰仁安皇太后少帝曰
孝恭懿聖皇帝進冊母淑妃爲皇太妃封弟益王昺爲衛王
妹壽和公主爲晉國公主以九月二十八日爲天熙節陳
宜中左丞相張世傑少保樞密副使陳文龍劉黼參知政事

蘇劉義開府儀同三司殿前指揮使司馬王剛中知福安府
事是日百官待漏門外門未啟有物哮吼聲朝士有驚仆者
黃萬石以北命諭福建歸附邵武降建劍守臣拒之督府
遣兵復邵武萬石遁 壬戌文天祥至自行都除右丞相時
國方草創陳宜中專制於張世傑議論不合遂不肯拜議出
督 六月以趙潛爲江西制置使進兵邵武謝枋得江東制
置使進兵饒州李師夔方興張德分道進兵浙東朱浚江西
招諭使毛統由海道至淮約兵會合先是文天祥自通州歸
具言太守楊思復欲得海船數百艘可以直趨勤王陳宜中
不以爲信乃遣毛統之通州○原本通作而不以告天祥統
至通州守問文丞相何以無書守怒統幾不免統出而通州

丁依別本改

降矣

七月文天祥開闔于南劍

○原本闕作督依別本改

時林琦自杭

來監丞鄒鳳自衢來一時忠義之士莫不翕集

鄒鳳江西

招諭副使

分上下三郡備守以王績翁爲福建提刑招捕

使知南劍州任責上三郡備守黃佖同提刑招捕知漳州任

責下三郡備守

九月文天祥進兵汀州十月行十一月至

汀州而行都隨陷矣

十月大元國兵三道趨福州董右丞

奧魯赤忙古歹都督唆都元帥張宏範萬戶等兵出江西浙

東阿罕元帥王世強招討舟師出福州

大兵直至處州守

臣李珣遁

十一月董右丞至瑞安府趙與擇李世逵等禦

之敗績世逵遁趙與擇退屯福安城遂降

奧魯赤軍至邵

武朱浚趙時賞遁至建寧府執趙崇磯張彭老至南劍州王

續翁遁

大元兵通行都陳宜中張世傑備海舟于岸乙巳

奉景炎帝益王楊淑妃等登舟戊申發舟入海是時正軍十七萬民兵三十萬有奇內淮兵一萬由東港入海與北舟相遇值天霧晦冥不辨舟得以進至泉州問蒲壽庚索軍糧不及應付遂趨潮州至惠州之甲子門駐焉 癸丑阿剌罕王

世強舟師至福安府王績翁爲內應王剛中以城降 朱浚

仰藥死 文天祥將兵趨廣東入浙 十二月景炎帝至廣

州守臣薛應龍運使姚良臣迎入州治作行宮 張鎮孫除

廣東經略使後死於難 大元董右丞○別本作丞相軍至福安縣

趙與擇拒戰敗績死之 己丑大元兵攻興化軍知軍趙文

龍不降被執至泉州蒲壽庚降至漳州知州黃佖通判楊丙

以城降至惠州文壁降壁天祥弟也 徐直諒遁 景炎帝

趨于富場

丁丑正月文天祥引兵趨漳州謀入衛道阻不通 二月大

元國兵檄戍改福安府爲福州置宣撫司以潛越友王績翁

爲副使李雄統領諸部軍

○別本作統領諸郡部兵

後李雄作亂殺潛越

友大兵皆去不留一騎 三月文天祥入梅州 四月蘇劉

義卒蘇京湖老將雖出呂氏乃心在王室永嘉推戴實建大

功後世傑用事志鬱鬱不得展其人剛躁不可近然能服義

終始不失大節爲廣中癘氣傳染而死哀哉 五月文天祥

兵出梅嶺吉贛兵皆來會六月大捷于雩都復興國縣於是

駐屯遣兵攻贛州諸縣皆復唯城不下龍泉縣孫棗以邑歸

正遇害永新縣令彭震龍以邑歸正遇害架閣蕭明以贛縣
義兵收復萬安縣被執死于洪督幹陳子敬招集義兵屯皂
據贛下流吉水永豐以次皆復前京尹吳浚以北兵說降天
祥集將吏責以大義斬之 淮西兵復黃州復壽昌軍 六

月文天祥兵至吉州戰于鍾步不利戰于永豐又不利戰于
空坑大敗未幾攻贛之兵又敗行府孤立空坑之敗全軍陷
沒天祥妻歐陽氏男佛生環生女柳娘環娘妾黃氏顏氏被
執幕僚張汴等皆死江西招討趙時賞寺簿劉洙架閣吳文
福督幹林棟皆遇害天祥與長子道生客杜儲○別本作渚以數
騎免時處置安撫聚兵數萬在永豐境天祥引兵就之會其
軍亦潰收散兵復入汀而南劍建寧邵武多有歸正者諸畚

軍皆騷動尋爲大兵收復天祥兵出會昌趨循州是冬天祥兵屯南嶺是月大元兵檄戍張世傑回潮州以圖興復七月壬申張世傑圍泉州將淮軍及弔眼許夫人諸洞畚軍兵威稍振蒲壽庚閉城拒守興化陳瓚起家丁民義五百人應世傑八月謝洪永任進攻泉州南門不克而蒲壽庚陰賂畚軍攻城不力而求救於唆都元帥王績翁亦遣人至唆都處趣兵十一月丙申唆都元帥大兵至福州甲辰至興化守臣陳瓚不降城陷大軍屠城三時乃止血流有聲車裂瓚五門以徇至泉州張世傑解圍去至潮州守臣馬發堅守不下唆都元帥棄而之惠州與西省呂師夔軍會合攻廣州城陷張鎮孫死之大軍至次仙澳與戰得利尋望南去止礪川

礪川屬廣之東筦縣與州治相對但隔一水 十二月景炎

帝舟遷于謝女峽

元刻本作舟師遷景炎帝于謝女峽別本同惟脫師字

陳宜中捩柁

之占城

○ 閣本別本捩柁作揮淚

戊寅正月遣舟師防遏海道

已酉唆都元帥自廣州回再

攻潮州馬發固守凡半月至二月癸亥城陷馬發死之屠其

城 二月大軍檄戊景炎帝由海道再回廣 三月文天祥

兵出惠州海豐縣駐麗江 四月戊辰景炎帝崩于礪川

衛王本末

戊寅四月庚午衛王卽位于礪川景炎帝旣崩官將欲散獨
尚書陸秀夫不可曰諸君散去可也度宗一子尙在將焉寘
此古人有一成一旅興者今百官有司軍士亦且萬餘人若

天道未絕趙祀此豈不可爲國耶乃相與奉衛王卽位于柩前改元祥興時有黃龍升天以陸秀夫爲丞相張世傑太傅文天祥少保六月祥興帝遷于崖山崖山在海中兩山相對勢頗寬廣中有一港其口如門可以藏舟世傑以爲形勝之地乃屯駐於此造行宮六月入山伐木造軍屋千間起行宮三十間內正殿以楊太妃故立名慈元殿時官民兵除逃竄死亡外猶計二十萬多於船上住坐資糧取辦廣右諸郡海外四州拘刷人匠蓋海院造船隻治兵器自六月至十月始罷十月文天祥引兵至潮陽平羣盜人心翕然大兵至崖山張萬戶舟師自海道入廣過崖山有龍橫海舟不得前射之雲霧晝晦遂退攻潮陽姚良臣爲右丞

相夏士林參知政事王德同知樞密院張德爲殿前都點檢

十一月文天祥兵潰被執時元帥張宏範以水陸兵奄至

潮陽天祥引避山谷行且數日宏範以輕騎直趨掩其不備

天祥被執服腦子二兩昏眩久之竟不死越七日至帥營天

祥踴躍請劍曰此吾死所也

○別本作此吾死地

元帥必欲以禮見天

祥曰吾不能跪吾嘗見伯顏阿朮長揖而已或曰奈何不拜

天祥曰吾爲國死何拜爾爲張知不能屈遂以平揖相見蓋

歲除前三日也明年正月二日張元帥脇天祥下海州

○別本作

初十日至崖山元帥令天祥以書招世傑天祥曰我不能救

父母乃教人背父母得乎有死而已不能從也乃作詩復命

云人生自古誰無死留取丹心照汗青

○丹心

別本作芳名元刻

本作
聲名

忠國之心終始弗替元帥又謂天祥曰國亡矣政使殺

身爲忠誰復書之天祥曰商非不亡夷齊自不食周粟人臣
各盡其心何論書與不書元帥爲之改容乃驅之過北道經
吉州痛憤不食八日不死乃復食十月至樞密院引問天祥
酬對不屈繫獄月餘再引問愈不屈留燕經年至至元壬午
朝廷賜死猶南面而跪念念不忘君父若是耶張毅甫負公
骨殖歸葬至之日母夫人之柩同日至自廣州人謂忠孝所
感天祥年四十七而沒爲人豐下兩目炯然善談論有忠孝
大節自起兵勤王以至高亭引見議論不屈忠肝義膽出於
至誠聞之莫不興起驅之北行京口得脫間關萬死由海道
還國赤手起兵又經二年江西之役大事幾集英雄無用武

之地卒以困敗或謂子明知其不可爲而爲之荅曰

○原脫上二字

依別本補

譬猶父母有病證已難療豈可聽其自斃而不求醫投

之匕劑

○別本作藥

猶望其可以更生是烏可以成敗論哉所居

對文筆峯自號文山爲文章未嘗屬稿引筆滔滔不竭尤長於詩有捐南吟嘯集行世妻歐陽氏亦守節而死天祥爲祭文曰忠臣不事二君烈女不更二夫天上地下惟汝與吾天祥弟璧知惠州奉母夫人就養歸附後歷廣西宣慰使天祥歎曰兄爲國弟爲家各行其志云 丁未葬景炎帝于崖山已卯正月辛酉大元兵攻崖山張世傑不守山門集舟千餘作一字陣禦之而大兵入山門作長蛇陣對之崖山有船千餘艘內大船極多張元帥大小船五百而二百舟失道久而

方至行朝依山作一陣幫縛不可復動於是不可以攻人而
專受攻矣張元帥至臺山港外停舟喚張世傑打話不從又
令文天祥以書諭世傑天祥不從時陳宜中如占城乞師久
不還

○別本作久而不還

張元帥語崖山人曰汝陳丞相已去文丞相

且爲我所執汝何戰云約二月初六日大戰二月癸未我
師敗績大元軍絕其薪水道崖山人食乾飲鹹者十餘日皆
疲乏不能戰大元軍乘潮而進兩軍大戰半日南軍大敗世
傑乘霧雨昏冥擁祥興帝及楊太妃脫去丞相陸秀夫抱宋
衛王赴海死陸秀夫字君實文筆英妙自維揚幕入朝京師
永嘉推戴有力及駐崖山凡朝廷事皆秀夫潤色綱紀之秀
夫至此知無可柰何乃取舟中物悉沈之仗劍驅其妻子赴

水妻挽舟不可赴水秀夫曰而去

○元刻本而作都

怕我不來於是

登御舟啟上曰國事至此陛下當爲國死太皇后辱已甚陛

下不可以再辱抱宋衛王俱投水中御舟一白鵬

○別本作鳥

奮

擊躑躅哀鳴良久竟與籠俱墜水中內翰劉鼎孫侍郎茅湘

吏部趙樵等溺者數萬張世傑奉楊太后以小舟奔四日遇

大風舟將及岸矣舟人催舟師疾進

○別本無師字

世傑曰無以爲

也爲我取瓣香來香至仰天呼曰我所以爲趙氏者亦已至

矣一君亡復立一君今又亡矣我奉皇太后走者庶幾彼且

退

○別本作待其退

別求趙氏立之以存趙祀耳

○別本趙下有氏字

今若此

天意果何如耶若天不欲我復存趙氏祀者

○別本趙氏下有之字

則

大風覆吾舟遂覆

宋得天下以仁而國勢常病於不振孝宗自謂我朝家法
遠過漢唐惟用兵一事不及蘇洵論勢亦謂惠襄而威不
振賞數加於無功敗軍之罰不加嚴弱勢浸淫其來非一
日然渡江以來君無失德理宗朝四川殘害三面被兵淮
甸搔攘雲南有警左支右吾猶能扶持四十二年之天下
度宗嗣位○別本句首有後字一國之事權姦賈似道實專之度宗
崩太皇太后與幼君不過建空名於六服之上且如己未
庚申渡江東南之危如一髮之引干鈞似道在鄂城下之
盟許納歲幣而大元之師始歸似道乃欺理宗詭曰戰勝
而歲幣又食前盟○別本作言大元遣使責償拘留真州不報
又遣使京湖而似道又留之漢陽之沌口始則請盟終則

背盟似道知之天下知之獨朝廷不之知爾宋太祖嘗曰
宰相須用讀書人似道以寵妃之弟不學無術處非其據
無休休有容之量忌嫉之念橫於胸臆好諛惡直進佞退
賢粉飾太平諱言邊事殺功臣以失士大夫之心行公田
以斂江浙之怨主推排以騷動東南之民造士籍以鉗制
東南之士庇敗將則將校之心離吝軍券則軍旅之心叛
日積月累無非失人心之事人謀之不臧如此雖然國之
興亡亦有天數與天理存焉爾邵雍著皇極經世書推明
皇帝王伯之數有元會運世之說謂冬復爲春世復爲元
今大元混一揭宋之土地而歸職方國號曰元年號曰元
豈非世復爲元之數乎宋以周顯德七年受禪至十六傳

而幼君名顯改元德祐合顯德二字彰著於命名改號之間人不之覺豈非數之終於此乎前宋以丙午丁未而遭金禍推論五行者謂宋以火德王故能水勝火其後丙午丁未則上下兢兢以度厄運今以丙子丁丑歸大元豈非子者午之對丑者未之對而納音亦有水勝火之義乎宋有天下圖讖久有過唐不及漢之說漢四百一十一年唐二百八十六年宋自建隆庚申開基至德祐乙亥凡三百一十六年豈非過唐不及漢之應乎此天數之應如此宋太祖受周太后恭帝禪杜太后將終召太祖曰汝自知所以得天下乎政由柴氏使幼兒主天下羣心不附若周有長君汝安得至此豈料三百年後似道貪權利於立幼卒

至覆國是亦其初取於孤兒寡婦之報也宋待柴氏最厚
事太后如母撫幼君如子恭惟大元待宋后幼君禮意尤
篤是亦其初待柴氏之報也國旣爲宋柴氏族屬並無誅
戮崇義之封終三百年如一日今大元於趙氏族屬一無
所間亦其不殺柴氏之報也太祖之入京城兵不血刃市
不易肆列國諸郡聞風而降今大元兵鋒所至降者不殺
過江以來迎降恐後郡縣城邑市井依然是亦其初不妄
殺人之報也此天理之報者如此宋太祖生于丁亥以庚
申歲建國命曹彬平江南王師係甲戌歲渡江以乙亥丙
子而平江南丙子歲是爲開寶九年今大元太祖聖武皇
帝亦生於乙亥以庚申歲卽位命伯顏平江南大軍亦係

甲戌歲渡江以乙亥丙子而平江南丙子歲是爲至元十三年宋太祖得國之時有讖云十一卜人小下月十五團圞十六缺至幼君恰十六傳亦非偶然國之興亡係乎天數而亦關乎人才之盛衰太祖開基人才輩出列聖相承國致平治○別本致作政自王呂擅權章蔡用事小人黃緣爲奸或爲爪牙或爲鷹犬或號傳法沙門或稱護法善神釀成靖康之禍高宗中興倘無張韓劉岳之徒幾不可以爲國矣而有中興之臣無中興之君惜哉度宗以來內無賢相外無良將雖有忠良之臣反擯棄而不用束手待斃可爲長太息可爲流涕者也然忠節之士何代不有○別本作何代無之疾風知勁草板蕩識純臣語曰無求生以害仁有殺身以

成仁孟子曰捨生而取義信哉

○原本此下至末並脫去依元刻本別本補

蓋

死者人之所難而得其死者尤難也主憂臣辱義在必死夫食君之祿死君之難不以生死易其節此誠烈丈夫也嗚呼故臨難守節者嘗足以動敵國之敬嘆蓋忠義亦人心所固有也苻秦之攻晉也嘗嘆曰周孟威不屈于前丁彥遠潔已于後吉祖沖開口而死何晉氏之多忠臣也金人攻宋見李若水死節嘆曰南朝惟李侍郎一人然靖康之難五十餘人忠魂義魄至今耿耿斗牛間史書直筆安能爲斯人隱今大元混一識天時而歸附者固皇帝之所嘉盡臣道而死節者亦皇帝之所重豈可棄而不錄哉其間死城郭封疆者固不能盡知其所知者若李芾死于潭

天祥死于北庭芝死于兵唐震李昂發死于郡治江萬里
徐應德鄧德遇尹穀赴水死謝枋得不食死朱浚仰藥死
其他如姜才孫虎臣邊居誼牛皋范大順張漢英趙文義
王安節馬堅馬發陳瓚朱立趙孟錦司馬夢求其中儒臣
死節尤表表在人耳目間歐陽修作五代史謂吾於死節
之士得二人焉今數人者史氏亦當以歐陽之筆表而出
之庶可發潛德之幽光云

宋季三朝政要六卷不著撰人姓名附中興通鑑之後
觀第六卷首敘陳仲微抄錄二王事得自安南使人是
亦當時野史而已是編體例略仿續中興通鑑而紀載
頗與正史合惟李全之死謂至第三年修城見金甲方

知且全方圍揚州何至有入城觀燈之事未必非傳聞之誤也然其間是非褒貶略無偏護亦不愧爲信史云乾隆六十年歲次乙卯三月上浣雲峰屈振鏞跋

作者不傳姓氏此元初人有心于舊聞者三朝之事大略盡于此矣喜其野史不廢可與正史參觀繡谷亭主吳焯

此書抄自文瀾閣絕少傳本四卷中淳祐七年後闕四年事已言舊本之逸而魯魚之訛多不可讀道光癸未得見南海吳荷屋廉使所藏老友吳門五硯樓皇慶壬子刻本則所闕咸在喜而不寐爲讀一過補出四年事迹校正數百餘字而書始無疑義矣書以識幸七八

老人趙魏書

宋季三朝政要卷六終

宋季三朝政要跋

此書昭文張氏刻入學津討源以

文瀾閣本及舊藏篤素好齋抄本校之大同小異其淳祐七年鄭清之薨人皆寃之句殊不可解張本遂改璣爲薨案鄭清之薨在淳祐十一年張氏豈未檢宋史耶戊戌冬得趙晉齋手校本係据皇慶王子刻本校補乃知淳祐七年鄭清之再入相至十二年余玠斬王璣人皆寃之中脫千餘字以致兩人連文其餘字句亦與三本互有出入因以張本爲主而附列異同于句下其稱別本者抄本也稱元刻本者卽趙所據校本也校旣竣并附趙跋於簡末志所自來云辛丑仲夏錫之錢熙祚識



